

ጾኑሲ ማደ"ም ዳኪንቴ ጳውሎስ ሮሜ ዓጮ" ዓሶም ዳኬ ኪኢቶ" ዓይያ ካሮ"

ጾኑሲ ማደ"ም ዳኪንቴ ጳውሎስ ሐያ ኪኢቶ" ሮሜ ዓሶም ፃኣፕሢ' ሮሜ ዓጮ"ይዳ ዓኣ ሺኢጲያ ማእሮ ዓሶ ዛጋኒ ዒ ማሌሢሮ ዔያታ ዒዛ ገኢጊ ካፓንዳጉዲኬ። ጳውሎስኮ ማሊፃ ሮሜይዳ ዓኣ ኪሪሰቶሴ ጉሙርቂ ዔኬዘንሢና ዳካ" ዋዴ ዴዒ ማዴሰካፓ ዔያታ ዒዛ ማእዴ"ም ዒሰፔኔ ዓጮ" ዴንዳኒኬ፤ ኪሪሰቶሴ ጉሙርቂ ዔኪያ ዛሎ" ዒ ዔሬ ባኮና ሐሣ ዔያታ ዋይቲ ናንጋንዳቲያ ናንጋንዳ ጎይያ ፓይዲ ፓይዲ ፃኣፔፔ፤ ጳውሎስ ዔያቶ ኪኢታኒ ማሌ ባካ ቢያ ሃኖ" ኪኢቶ"ይዳ ዓኣኔ።

ጳውሎስ ሮሜይዳ ዓኣ ኪሪሰቶሴ ጉሙርቂ ዔኬዘንሢሣም ሳራሢ ሳራሢያና ሃሣ ዔያቶም ዒ ሺኢቃያ ማዒያዋ ዔርዘሢሣኮ ገንፃ ዒዛ ኪኢቶ"ኮ ዓኣፖ ማዔ ባካ፡- «ጾኑሲ ዓሲ ዲሎ" ማሂ ዛጋሢ ኪሪሰቶሴ ጉሙርቂቶ ሌሊ ማዔሢ ዔይ ኮኾ ሃይሶ ቃኣላ" ኬኤዛኔ፤ ዓይጎሮ ጌዔቴ ጾኑሲ ጉሙርቃ ዓሲ ጾኑሲ' ዲሎ" ማሂ ዛጋኔ፤ ናንጊያ ዴንቃንዳኔ» (1፡17) ጋዓ ማሊያ ማዔሢ ዒ ዳዋ።

ዩካፓ ሐሣ ጳውሎስ ዩኖ ማሊፃሎ ዳልገሺ ፃኣፓያ ዓይሁዴ ዓሶ ማዔቴያ ማዒባኣ ዓሳ ቢያ ጎሜና ዓኣያ ማዔሢሮ ጾኑሲና ዋላ" ቡካንዳያ ኮይሳኔ፤ ዓሲ ጾኑሲና ዋላ" ቡካኒ ዳንዳዓሢያ ዩሱሰ ኪሪሰቶሴ ጉሙርቂ ዔኪሢና ሌሊኬ፤ ዩኖ ጾኑሲና ዋላ" ገኢጊ ቡኪንቶኮ ዓኣፓ ሜሌ" ዓኪ ናንጊ ዴንቂሢ ማዔሢ ዒዚ ዳልገና ኬኤዛኔ። ዒዚ ኬኤዛያ ኪሪሰቶሴ ጉሙርቂ ዔኬ ዓሲ ጾኑሲና ዋላ" ኮሺ ናንጋንዳኔ፤ ዩይ ዓሢ ጾኑሲ ዓያኖ ዛሎ"ና ጎሜና ሃይቢናኮ ዋልቆ ዴማ"ፓ ባሺ ኬሰኬኔ፤ ጌዒ ዓይ. 5-8 ሃላ"ንዳኣና ጳውሎስ' ጾኑሲ ዋንኮ ማሊያና ኪሪሰቶሴ ጉሙርቂ ዔኬ ዓሶ ናንጎይዳ ማዳ ዓያኖ ጌኤኾናኮ ማሊፃ ዓይጎታቴያ ዔርዘኔ፤ ዩካፓ ሃሣ ጳውሎስ፡- «ጾኑሲ' ዓሲም ማላ ማሊያ ጋራ ዓይሁዳና ዓይሁዳ ማዒባኣ ዓሶና ዋላ" ዋይቲ ፔቴ" ማዓኒ ዳንዳዓይ?» ጋዓ ዓሶኮ ጾኣጪያ ማሃኒ ሚርጌ ኮዓኔ።

ሃሣ ዓይሁዳ ዓሳ ዩሱሴ ጉሙርቂ ዔኬዎያ ዓቲያ ጾኑሲ ማሊሢ ማዒያ ዒ ኬኤዛኔ፤ ዓይጎሮ ጌዔቴ ዩያ ጎይያና ዓሲ ቢያ ዩሱሰ ኪሪሰቶሴ ዛሎ"ና ጾኑሲ ጉሪ ዒንጌ ዳቂንቶና ዳቃኒ ዳንዳዓንዳጉዲኬ ጋዓኔ፤ ማዔቶዋ ዓይሁዳ ዓሳ ዩሱሴ ጉሙርቂ

ዔካንዳ ዋዴ ሙካንዳሢ ጳውሎስ ጉሙርቃኔ፤ ጋፒንፃ ጳውሎስ ኬኤዛያ ኪሪስቶስ ጉሙርቃ ዔኪ ዋይቲ ናንጎንድቲያ፡ ባሼ ሃሣ ኪሪስቶስ ጉሙርቃ ዓሳ ዋላ" ናሹሞና ናንጋንዳጉዲ ኬኤዛኔ፤ ዬያይዳ ዒ ቃሳ"የ ያኦሲም ማዲሢ ዛላንታ ኪሪስቶስ ጉሙርቃ ዓሳ ፔ ዓጮ"ም ገንሣ ዋለማኣ ዔያታ ማዲኒ ኮይሳ ባኮ ሃሣ ያኦሲ ዋጎ ዔያታ ማዲ ዋድ"ና ዔያቶም ያኦጪሢ ማዒ ሂርጊሻ ባኮ ዛሎ" ፓይዲ ፓይዲ ዒ ኬኤዛኔ።

ማፃኣፔላ ዲማ ዲማ ዓርቄ ባኮ

- 1 ዓይያ ካሮ"ንታ ኬኤዚንታኒያ ማሊንቲ ባኮ 1፡1-17
- 2 ዓሲ ቢያም ዳቂንታ ኮይሳሢ 1፡18—3፡20
- 3 ያኦሲ ዓሲ ዳቂሻ ጎይያ 3፡21—4፡25
- 4 ኪሪስቶስ ዛሎ"ና ጴዳ ዓኪ ናንጊ 5፡1—8፡39
- 5 ያኦሲኮ ዒሰራዔኤሌ ዓሰም ዓኣ ማሊያ 9፡1—11፡36
- 6 ኪሪስቶስ ጉሙርቃ ዓሲ ናንጋ ጎይሢ 12፡1—15፡13
- 7 ጋፒንሢ ማሊሢና ሳራሥሢ 15፡14—16፡27

1 ዬሱስ ኪሪስቶስም ማዲያ ማዔ፡ ያኦሲ ማድ"ም ዔኤሊ"ንቲ፡ ኮኸ ሓይሶ ቃኣሎ" ኬኤዛኒ ዶኦሪንቲ፡ ጳውሎስይዳፓ ዳኪንቲ ኪኢታ፤

2 ሃይ ኮኸ ሓይሶ ቃኣላ" ያኦሲ ፔ ማሊያ ኬኤዛ ዓሶ ዛሎ"ና ጌኤኸ ማፃኣፖይዳ ቤርታዲ ዒንጌ ሃጊ ማዓንዳ ዋዞ" ቃኣሎ"ኬ።

3 ኮኸ ሃይሳ' ያኦሲ ናዓሢ ዓሲ ማዒ፡ ዳውቲ ዜርዖይዳፓ ሾይንቲሢ ኬኤዛያኬ።

4 ዬያጉዲ ሓሣ ጎዳ ዬሱስ ኪሪስቶስ ጌኤኸ ዓያኖ ዛሎ"ና ዴኤፒ ዋልቁና ሓይባ"ፓ ዒቁዖና ያኦሲ ናይ ማዔሢ ኬኤዛኔ።

5 ዒዛ ዛሎ"ና ያኦሲ ማድ"ም ዳኪንቲያ ኦና ማሃኒ ዳንዳዒሳ ያኦሲኮ ኮሹሞ ዒንጊያ ኦ ዴንቁኔ፤ ዬያሮ ዒዛ ዛሎ"ና ዓይሁዴ ማዒባኣ ዓሳ ቢያ ኪሪስቶስ ጉሙርቃንዳጉዲና ዒዛም ዓይሢንታንዳጉዲ ኦ ማሃኔ።

6 ዒንሢያ ዬሱስ ኪሪስቶስሮ ማዓንዳጉዲ ያኦሲ ዔኤሌ" ዓሶ ባኣካ"ኬ።

7 ዬያሮ ሮሜ ዓጮ"ይዳ ናንጋያ፤ ሃሣ ያኦሲ ዒንሢ ናሽኪ፡ ዒዛ ዓሲ ማዓንዳጉዲ ዔኤሌ"ዘንሢም ቢያ፡-

ኦ ዳዳሢ ያኦሲና ጎዳ ዬሱስ ኪሪስቶስናኮ ሚጪንቲያና ኮሹሞና ዒንሢም ማፃም።

ጋላታ ሺኢጲሢ

8 ዲንሢኮ ጸኦሲ ጉሙርቂዖ ሓይሳ ዓጮ" ቢያይዳ ዋይዚንቴሢሮ ቢያፓ ቤርታሲ ዩሱስ ኪሪስቶሴ ዛሎ"ና ዲንሢ ቢያሢ ዛሎ"ሮ ታ ጸኦዛሢ ታኣኒ ጋላታኔ።

9 ቢያ ኬሊ" ታ ሺኢቃ ዋዶ"ና ዲንሢ ዛሎ" ዋሉ"ዋያ ማዲያኮ ዒዛ ሩኣዚ" ዛሎ" ኮዦ ሓይሶ ቃኣሎ" ኬኤዚ ኬኤዚ ጉቤ ዒናፓ ታ ዒዛም ማዳ ጸኦዛሢ ታኣኮ ማርካኬ።

10 ጸኦሲ ጌዔቴ ጋፒንፃ ሓሢ ዲንሢ ኮራ ታ ሙካንዳ ጎይሢ ዒ ጊኢጊሻንዳጉዲ ቢያ ኬሊ" ታ ሺኢቃ።

11 ዓይጎሮ ጌዔቴ ዲንሢ ጸኦሲ ጉሙርቂዖና ደዳንዳጉዲ ማሃ ዓያኖ ዲንጊያ ታ ዲንሢም ኬኤዚ ኮዓሢሮ ታ ዲንሢ ዛጋኒ ኮሺ" ማላኔ።

12 ዬያ ታ ጋዓሢ ታኣኒ ዲንሢ ጉሙርቂዖ ዛሎ"ና ዲንሢያ ታ ጉሙርቂዖ ዛሎ"ና ዋሊ ኑ ደዲሻኒ ኮዒኬ።

13 ታ ዲሾንሦ! ታ ሚሾንሦ! ሜሌ" ዓይሁዴ ማዒባኣ ዓሶ ታ ዔርዚ ሚርጌ ኪሪስቶሴ ጉሙርቂዖ ዓሲ ዴንቄኔ፤ ዬያጉዲ ሃሣ ዲንሢ ባኣኮ"ይዳኣ ታ ዔርዚ ኪሪስቶሴ ጉሙርቂዖ ዓሲ ዴንቃኒ ማሌኔ፤ ጋዓንቴ ዲንሢ ባንሢ ሙካኒ ሚርጌና ታ ማሌም ሓኖ" ሄላ"ንዳኣና ታኣም ጊኢጊባኣሢ ዲንሢ ዔራጎዳጉዲ ታ ኮዓኔ።

14 ጊሪኮ ዓጮ" ናንጎና ሙኡጮና ዔራ ዓሶና ዔራዋ ዓሶናም፣ ጨንጮ ዓሶና ቦኣዞ ዓሶናም ኮዦ ሓይሶ ዔርዛንዳያ ታና ኮይሳኔ።

15 ዬያሮኬ ዲንሢ፣ ሮሜይዳ ናንጋዞንሢም ኮዦ ሓይሶ ኬኤዚ ታ ኮዓሢ።

ኮዦ ሓይሶ ቃኣሎ" ዋልቆ

16 ታኣኒ ኮዦ ሓይሶ ቃኣሎ" ኬኤዚ ቦርሲንቴዋሴ፤ ዓይጎሮ ጌዔቶ ኮዦ ሓይሶ ቃኣላ" ቤርታዲ ዓይሁዴ ዓሶ፣ ሄሊ"ሳዖ ዓይሁዴ ማዒባኣ ዓሶ፤ ጌይፃ፡- ጉሙርቂዖ ዓሶ ቢያ ዳቂሻኒ ዳንዳዓ ጸኦሲ ዋልቄኬ።

17 ዬይ ኮዦ ሃይሶ ቃኣላ" ጸኦሲ' ዓሲ ዒሎ" ማሃ ዛጋሢ ኪሪስቶሴ ጉሙርቂዖ ሌሊ ማዔሢ ኬኤዚ፤ ዓይጎሮ ጌዔቴ፡- «ጸኦሲ ጉሙርቂዖ ዓሲ ጸኦሲ' ዒሎ" ማሃ ዛጋኔ፤ ናንጊያ ዴንቃንዳኔ» ጌይንቴ ፃኣፒንቴኔ።

ዓሲኮ ፑርቱዋ

18 ዓሳ ፔኤኮ ፑርቱዋና ጎኑዋ ፔጋዲ ዔርቱዋጉዲ ማሃኔ፤ ዬያሮ ዔያቶኮ ጎዋና ፑርቱዋና ዛሎ"ሮ ጸኦሲኮ ጎሪ"ንታ ጨሪንጫፓ ዔያቶይዳ ሙካንዳኔ።

1:13 ዳኪ. ማዳ" 19፡21። 1:16 ማር. 8፡38። 1:17 ዒምባ. 2፡4።

19 የኦሲ ዓይነት ማቆና ጎራ"ሢ፣ የኦሲ ዛሎ" ዓይነት ዓራኒ ኮይሳ ባኮ ዲ ዓይነት ፔኤሮ ዓርዘም ዓይነት ዓራይነትሢ።

20 ዓጮ" ማዢንቴሢ፣ ዓርቃያ ዓሰም ጴዳ፣ የኦሲ ባካ፤ ጌይያ፣ ናንጊና ናንጋ ዲዛኮ ዋልቆና የኦሱሞና ዲ ማዢ ባኮይዳ ፔጋዲ ጴዳ፤ ዩያሮ ዩሮ ዓሰጉዲ ዓራዎ ፑርቲሳዞንሢ ቶላ"ኒ ጌሰታንዳ ባካዢ" ባካሴ።

21 ዓይነት ጌዔቴ ዓይነት የኦሲ ዓራይነት ዲዛም ኮይሳ ቦንቾና ጋላታና ዲንጊባካሴ፤ ዩያሮ ዓይነት ፔኤኮ ማሊያና ፓሡዋ ዓሰ ማዔ፤ ሐሣ ጸቂሡዋ ማዲ ዲና" ዓይነት ባይቄ፤

22 ዓይነት «ኮ ጩንጫ ዓሰኬ» ጋዔ፤ ታንቴ ዓይነት ዓሴያኬ።

23 ናንጊና ናንጋ የኦዛሢ ካክሽኪያ ሃሺ" ላኦሚንታያና ባይቃያ ማዔ፣ ዓሰንታ ካፒንታ ቆልሞንታ ሳዓይዳ ዳዲና ሃንታ ባኮ ማሊሲ ማዢና ካክሽኮ ባካዢ" ዓይነት ካክሽኪሢ ዓርቄ።

24 ዩያሮ የኦሲ፣ ቦርሲሳ ባካዢ" ዓይነት ማዳንዳጉዲ ዲኢሳ ፑርታ ባካዢ" ኩሜ ዓይነት ማሊያ ዓይነት ኩንሣንዳጉዲ ዓይነት ሃሺ"ኔ።

25 ዩይ ያዲ ማዔሢ የኦሲኮ ጎኑሞ ሉኡዙሞና ዓይነት ላኦሚሢ፣ ማዢሢ ዓኣንቴ ማዢንቴ ባኮ ዓይነት ካክሽኪ፣ ዩያ ባኮም ማዳሢ፣ የኦሲ ጋዓንቴ ናንጊና ጋላቲንቴያኬ።

26 ዓሳ ዩያ ማዳሢ፣ የኦሲ' ዓሰ ኮይሱዋ ቦርሲሳ ሱኡኬም ዓኣሢ ዲንጌ፤ ዓይነት ላኦላታ ዓርቴ ጎይያጉዲቴዋንቴ ዳሞቤባኦ ጎይሢ ላኦላና ላሃ።

27 ዩያጉዲ ሃሣ ዓቲንቃ ላኦላና ላሃ ሃሺ"፣ ዋላ" ላሃኒ ኮሢሢና ዓቲንቃ ዓቲንቆና ዋላ" ቦርሲሳ ባካዢ" ማዳ፤ ዩያሮ ዓይነት ዲቢንቶ ዛሎ"ና ዓይነት ኮይሳ ሜቶ" ፔጊዳ ዓይነት ዔኪ ዩዓንዳ።

28 ዓሳ የኦሲ ዓራኒ ኮሢባኣሢ፣ ቦርሲሳ ባካዢ" ማዳንዳጉዲ የኦሲ ፓሡዋ ማሊሢ ዓኣሢ ዓይነት ዲንጌ።

29 ዩያሮ ጌኔ ማዳ፣ ፑርቲ፣ ዲኡዲሞ፣ ኮሜ ዓርቂሢ፣ ቂኢሩሞ፣ ዓሰ ዋዲሢ፣ ዑራ፣ ጌሺሢ፣ ፑርታ ማሊሢ ዓይነት ኩሜ፤

30 ዩያጉዲ ሃሣ ዓይነት ደንካያ፣ ዓሰ ሱንሢ ባይዛያ፣ የኦሲ ዲያያ፣ ዓሰ ቦሃያ፣ የቶርቃያ፣ ሄርሺንታያ፣ ፑርታ ባካዢ" ማዳንዳ ጎይሢ ኮዓያ፣ ሾዔ ዓሰም ዓይነት።

31 ጳጳሳቸውን፣ ገሰቲ ቱኮ"ና ገሌዘ ካፑዋያ፣ ናሹሞ ባኣያ፣
ሚጠገኑትህን ባኣ ዓሲኬ።

32 «ዬንህ ማዳዘንህም ቢያ ሃይቢ ኮይሳኔ» ጋዓ ያኦሲኮ ዋጎ
ዔራያታዎ ዬያ ቢያ ዔያታ ማዳኔ፤ ማዳ" ሌሊቱዋንቴ ዬያጉዲ ማዳ
ዓሰዋ ዔያታ ማዳንዳጉዲ ደዲሻኔ።

2

ያኦሲ ዋጋ ዋጊ

1 ማሌ" ዓሲ ዑሰካ ኮይሱዋ ጎይህ ዋጋሃ! ኔ ቶኦኪና ኔ ኬኤዚ
ቶላ"ንዳ ጎይህ ኔኤኮ ባኣህ ዔሬ፤ ዋይቲ ገዔቲ ኔኤኒ ዓሰይዳ
ዋጋያታዎ ዬይ ኔ ዋጋ ዓህ ማዳማ ኔ ማዳኔ፤ ዬያሮ ማሌ"ህ ዑፃ ኔ
ዋጋ ዋደ"ና ኔ ቶኦካ" ኔ ዋጋኔ።

2 ዬያ ማዳ" ማዳ ዓሰ ዑያይዳ ያኦሲ ዔያቶም ኮይሳ ዋጊ
ዋጋንዳህ ኑ ዔራኔ፤

3 ሃይ ዓህ ኔ! ዬያይዲ ማዳ ዓሰ ዑፃ ኔ ዋጋያታዎ፣ ዔያታ ማዳ
ባኮ ኔ ማዳያታቲ ያኦሲኮ ዋጋጋ ኔ ቶላ"ንዳያ ኔኤም ማላ?

4 ሐህ ያኦሲኮ ኮሹሞና ገቢ" ዳንዳዒያናኮ ሚርገያ ኔ ቦሃ?
ያኦሲ ኔኤም ኮሹሞና ማሌህ! ኔና ጎሞይዳጋ ፔ ባንህ ማሃኒታህ ኔ
ዔረዋዓዳ?

5 ዓካሪ ኔኤኒ ጎሞ ቡኤያ ዒያያ ማዔህረ ያኦሲኮ ጎሪ"ንቶና
ዒሎ" ዋጎና ፔጋዳ ዋደ"ና ሜታ ኔ ገዳ" ሃቲም ዲባንዳጉዲ ኔ
ማሃኔ።

6 ዓይጎሮ ገዔቲ ያኦሲ ፔቲ" ፔቲ"ህም ፔኤኮ ማዳ"ጉዳያ
ዒንጋንዳኔ።

7 ኮሺ ማዳ ደዲ ማዳ ጋላታና ቦንቾና ሐህ ባይቁዋ ናንገያ
ኮዓዘንህም ናንገና ጋፑዋ ናንገ ያኦሲ ዒንጋንዳኔ።

8 ጋዓንቴ ፔኤም ማዓ ባኣዚ" ኮዓያ፣ ሃህ ጎኩም ሃሺ" ፑርታ
ማዳዘንህዳ ያኦሲጋ ፑርታ ዋገና ጎሪ"ንቲና ሙካንዳኔ።

9 ፑርታ ማዳ ዓይጎ ዓሲዳ ማዎም ሜቶና ዋኣዮና ሄላ"ንዳኔ፤
ዬይያ፡- ቤርታዲ ዓይሁዴ ዓሰይዳ ዬካጋ ዓይሁዴ ማዒባኣ
ዓሰይዳ ማዓንዳኔ።

10 ጋዓንቴ ዓይሁዴ ዓሲ ማዔቲያ ዓይሁዴ ማዒባኣያታዎ ኮሺ
ባኣዚ" ማዳ ዓሲም ቢያ ጋላታና ቦንቾና ሃህ ኮሹሞዋ
ዒንገንታንዳኔ።

11 ዋይቲ ጌዔቲ ያኦሲ ዓሲ ዲማሱቀሴ።

12 ሙሴ ዔርዘ ዋጎ ዔሩቀያታቲያ ጎሜ ማዳ ዓሳ ቢያ ዔያታ ማዳ ፑርቶ ማዳ" ዛሎ"ና ባይቃጎዳኔ፤ ዬያ ዋጎ ዔሩያታፆ ጎሜ ማዳህ ዬያ ዋጎ ጎይያና ኮይሳ ሜቶ ዔካጎዳኔ።

13 ዓይጎር ጌዔቲ ያኦሲ ቤርቲዳ ዲሎ" ማዓዘንህ ዋጎ ካፓዞንህኔ፤ ዋይዛፆ ካፑቀዞንህቲቀሴ።

14 ሙሴ ዔርዘ ዋጎ ዔሩቀ ዓይሁዴ ማዒባኣ ዓሳ ዔያቶኮ ናንጎ ዋጋ" ዓይህ ባኮ ማዳኔ፤ ዬያር ሙሴ ዔርዘ ዋጎ ዔያታ ዔሩቀቲያ ዔያቶኮ ናንጎ ዋጌ ዓኣህረ ዔያታ ማዳንዶ ባኮ ዔዔራኔ።

15 ሓህ ዔያቶኮ ዒና" ዔያቶም ማርካዳኔ፤ ዋይቲ ጌዔቲ ዔያቶኮ ዒና" ፔቲ" ፔቲ"ና ዔያታ ማዳ ባካ ፑርታ ማዒያ፣ ፔቲ" ፔቲ"ና ሃህ ኮሺ ማዒያ ዔያቶም ዔርዘኔ፤ ዬያይዲ ዔያታ ማዳህረ ሙሴ ዔርዘ ዋጋ ዓይህ ባካ ቢያ ዔያቶኮ ዒና" ፃኣፒንቲ ዓኣህረ ዔርታኔ።

16 ዬይ ያዲ ማዓንዳህ' ሃህ ታኣኒ ኮኩ ሃይሶ ቃኣሎ" ዛሎ"ና ኬኤዚ፣ ዔርዘህ ጎይያ ዓሳ ማዳ ዓኣሺንቲ ባኮይዳ ዬሱሰ ኪሪሰቶሴ ዛሎ"ና ያኦሲ ዋጋ ኬሎ"ናኬ።

ዓይሁዴ ዓሶና ሙሴ ዔርዘ ዋጎና ዛላ

17 ሓይሾ ኔኤኒ ኔና፡- «ታኣኒ ዓይሁዴ ዓሲኬ» ጌዒ ሙሴ ዔርዘ ዋጎ ጉሙርቃያ ሃህ፡- «ታ ያኦሲ ዓሲኬ» ጌዒ ኔ ሃርሺንታኔ።

18 ኔኤኒ ያኦሲ ማሊያ ዔራያ፣ ሙሴ ዔርዘ ዋጋ" ጋዓህያ ዔራህረ ኮሺ ማዳ ኔ ዔራኔ።

19 ኔኤኒ ሃህ፡- «ዓኣፖ ባይቄ ዓሶ ታ ዔኪ ዓኣዳያ፣ ዲሞይዳ ዓኣ ዓሶኮቀ ታ ፖዒኬ» ኔ ኔና ጋዓኔ።

20 ዬያጉዲ ሃህ ኔ፡- «ዔሪባኣ ዓሶ ታ ዔርዘያኬ፤ ናኣቶ" ታ ዔርዘያኬ» ጋዓኔ፤ ጊንህ ሃህ፡- «ዋጎንታ ዋጎኮ ጎኩም ማርጌና ታ ዔራያኬ» ኔ ጋዓኔ።

21 ዓካሪ ሜሌ" ዓሶ ኔ ዔርዘያ ማዓያ፣ ኔና ኔ ዔርዘቀዓዳ? «ውኡቂፖቲ» ኔ ጋዓኔ፤ ጋዓንቲ ኔ ኔኤር ዉዉኡቃኔ፤

22 ጊንህ «ዓኒ ሃህ ማቾ ማዒባኣና ላሂፖቲ» ኔ ጋዓኔ፤ ጋዓንቲ ዬያ ኔ ማማዳኔ፤ ሜሌ" ካኣሽኮ ባኮ ኔ ሻሻኣኪንታኔ፤ ጋዓንቲ ዬያ ካኣኩ ማኣራ ዓኣ ባኮ ዔያቶኮ ኔ ቡቡራኔ።

23 ኔኤኒ ያኦሲ ዋጎና ሃርሺንታኔ፤ ጋዓንቲ ዬያ ዋጎ ኔ ካፖ ሃሺ"ያና ያኦሲ ኔ ቶኣቻኔ።

2:11 ላሚ. ዋማ 10፣17።

24 ይደ ያዲ ማዕረግ፡- «ዲንሢ፡ ዓይሁዶ ዓሰ ዛሎ"ና ያኦሲኮ ሱንፃ ዓይሁዶ ማዕባኣ ዓሰና ጫሽኪንታኔ» ጌይንቲ ፃኣፒንቲ ጎይያናኬ።

25 ዓቲንቶ ቤርቶ ቲቂፃ ካኣሺ ኔኤም ማዕረግ ምጎ ኔ ኩንሢቶኬ፤ ምጎ ኔ ካፑዋያ ማዕቶ ጋዓንቲ ዓቲንቶ ቤርቶ ቲቂፃ ካኣዡ ጉሪ ማዕንዳኔ።

26 ዬያሮ ዓቲንቶ ቤርቶ ቲቂንቲባኣ ዓይሁዶቲዋ ዓሢ ምጎ ዓይሢፃ ኩንሢያ ማዕቶ ዓቲንቶ ቤርቶ ቲቆ ካኣዡ ኩንሢያ ማዕ-ዋዓዳ?

27 ኔኤኒ ኔኤኮ ምጌ ዓኣያ፡ ሃሃ ዓቲንቶ ቤርቶ ቲቂንቶ ካኣዡ ኩንሢያ ማዕያ፡ ምጎ ኔ ካፒባኣያ ማዕቲ ዓሽኮ ዓቲንቶ ቤርቶ ቲቂባኣያታ? ምጎ ኩንሢ ዓይሁዶ ማዕባኣ ዓሢ ኔ ጊዳ" ምጋንዳኔ።

28 ዬያሮ ሱንፃ ሌሊ ዓይሁዶ ማዕ ዓሲ' ጎኔ ዓይሁዶ ዓሲ ማዕ-ዋሴ፤ ዬያጉዲ ሃሃ ጰዳ ዓሽኮ ዓቲንቶ ቤርቶ ቲቂፃ ሌሊ ጎኩም ቲቂንቲ ካኣሺቲዋሴ።

29 ጎኔ ዓይሁዶ ዓሲ' ዓኖ ጋራፓ ዓይሁዶ ዓሲ ማዕ ጰዴቶኬ፤ ጎኔ ዓቲንቲ ቤርቲ ቲቂሢ ካኣሺ፡- ያኦሲ ዓያናፓ ማዕ ዓኔ ቲቂንቲ ካኣሺ ማዕንዳኣፓዓቲም ሙሴ ዔርዜ ምጎይዳ ፃኣፒንቲ ጎይያጉዲ ዓሽኮ ዓቲንቶ ቤርቶ ቲቂንቶ ካኣዡቲዋሴ። ዬያይዳ ዓሲ ጋላታ ዴንቃንዳሢ ያኦሲዳፓ ማዕንዳኣፓዓቲም ዓሲዳፓቲዋሴ።

3

ዓይሁዶ ዓሰኮ ዳቢንቶ

1 ዓካሪ ዓይሁዶ ዓሳ ዓይሁዶ ማዕባኣ ዓሰይዳፓ ባሻሢ ዓይጎናዳይ? ዓቲንቶ ቤርቶ ቲቂፃ ካኣዡ ዓይጎ ማኣዳ"ይ?

2 ዓይሁዶ ዓሲ ማዕፃ ጎኔና ሚርጌ ጎይሢና ባሻያኬ፤ ዬይያ፡- ያኦሲ ፔኤኮ ቃኣሎ" ዓይሁዶ ዓሰም ጉሙርቂ ዒንጌሢርኬ።

3 ዓይሁዶኮ ፔቲ" ፔቲ" ዓሳ ጉሙርቂንቲዋያ ማዕ ጰዴቶ፡- ዔያቶኮ ጉሙርቂንቲዋያ ማዕፃ ያኦሲ ጉሙርቂንቲዋያ ማሃ?

4 ፔቲ"ታፃ ማህዋሴ!

«ኔ ጌሰታ ጌኤዘና ጎኔ ዓሲ ማዕ ኔና ሞኦታሢ ኔ ላሃንዳኔ»

ጌይንቲ ፃኣፒንቲሢጉዲ ዓሲ ቢያ ሉኡቃያ ማዕቲያ ያኦሲ ጎኔ ጌሰታያኬ።

5 ጋዓንቴ ኑኡኮ ጎማ ያኑሲ ዲሎ"ሞ ፔጋሲ ዳዋያ ማዕቴ፣ ኑ ዋዚ ጋዓንዳይ? ያኑሲ ኑ ጎሞሮ ኑና ማቶይዳ ዓጌቶ ፒዜ ዒ ዋጋያቱዋሴ ጌይሢዳ? ዬያ ታ ዓሲ ማለሢ ጎይሢ ጋዓኔ።

6 «ያኑሲ ፒዜ ዋጋያቱዋሴ» ጋዓኒ ፔቴ"ታዖ ዳንዳዒንቴዋሴ፤ ያዲ ማዕቶ ያኑሲ ዓጮ"ይዳ ሃጊ ዋዲ" ዋጋንዳይ?

7 ጋዓንቴ ታኣኮ ሉኡዚ ዓሲ ማዒፃ ያኑሲኮ ጎኑሞ ፔጋሲ ቦንቾ ዴኤፑሞዋ ዳውሞያ ማዕቶ ዓካሪ ታኣኒ ሉኡዚ ዓሲ ማዒ ዋጊንታሢ ዓይጌንጭርዳይ?

8 ፔቴ" ፔቴ" ዓሳ:- «ኮሺ ባኣዚ" ኑ ዳንቃኒ ፑርታ ባኣዚ" ኑ ማዶም» ጌዒ ጌዒ ታኣኒ ዔርዛያ ማሊሲ ታና ደንካኔ፤ ዬያሮ ዔያቶ ዐፃ ዋጊንታንዳ ዴኤዖ ዋጋ ፒዜኬ።

ዓሲ ቢያ ጎማና ማዒፃ

9 ዬያይይቴ ኑኡኒ፣ ዓይሁዶ ዓሳ ዓይሁዶ ማዒባኣ ዓሰይዳፓ ባሻኔ ጌይሢዳ? ፔቴ"ታዖ ያዲቱዋሴ! ዓይሁዶ ዓሰ ማዕቴያ ዓይሁዳ ማዒባኣ ዓሳ ሐሣ ዓሲ ቢያ ጎማና ማዕሢ ቤርታዲ ታ ኬኤዜኔ።

10 ጌኤዠ ማፃኣፖይዳ:- «ፔቴ"ታዖ ዲሎ" ዓሲ ባኣሴ፤

11 ዒኔና ጳቂሣ ዓሲያ ባኣሴ፤ ዒናፓ ያኑሲ ኮዓ ዓሲ ፔቴ"ታዖ ባኣሴ።

12 ቢያሢ ጎኑሞ ጎይፃፓ ዳቢ ዣኣሌኔ፤ ፔቴ"ታዖ ኮሺ ማዶ ማዳ ዓሲ ባኣሴ።

13 ዓሲ ባይዛ፣ ፑርታ ጌኤሲ ጌሰታኒ ዳንጋ ዔያቶኮ ጉሪ ዳኡፒ ዔቴጉዲኬ፤

ዳንጋ ዔያቶኮ ጌሻያኬ፤ ጌኤዛ ዔያቶኮ ሾኣሺ ዳዓሢጉዲኬ፤

14 ዳንጋ ዔያቶኮ ፑርታ ጋዳማ ሌሊ ጋዳንቃያኬ። 15 ዔያታ ዓሲ ዋዳኒ ሩራያኬ፤

16 ዔያታ ዳንዳ ቤዞ ቢያይዳ ባይሲንታና ማቶናኮ ካራኬ። 17 ዋዲ" ኮሺ ናንጎንዶቴያ ዔያታ ዔሩዋያኬ።

18 ፔቴ"ታዖ ያኑሲ ዔያታ ዒጊጨዋሴ» ጌይንቴ ፃኣፒንቴኔ። 19 ዋጎኮ ዓይሢፃ ኮይሳሢ ዋጌና ዋርቃ ዓሲም ማዕሢ ኑ ዔራኔ፤

ዬያ ዛሎ"ና ዓሳ ቶላ"ኒ ጎፖንዶ ባኣዚ" ባይዚ ዳንጎ ፔኤሲ" ዓርቃንዳኔ፤ ዓጮ" ቢያ ያኑሲ ቤርታ ዳቢንቴያ ማዓንዳኔ።

3:12 ዓይኑ. 14፣1-3፤ 53፣1-3። 3:13 ዓይኑ. 5፣9፤ 140፣3። 3:14 ዓይኑ. 10፣7። 3:17 ዓሲ. 59፣7-8። 3:18 ዓይኑ. 36፣1።

20 ዬያሮ ዓይጎ ዓሲያ የኦሲ ቤርታ ሙሴ ዔርዜ ዋጎ ኩንሥሠና
ዲሎ"ዋሴ፤ ዋጋ ዳዋሢ፡- ዓሲ ጎሜና ማዒያኮ።

ዓሲ ኪሪሰቶሴ ጉሙርቁሢና ዲሎ"ያ ማዒያ

21 ሐሢ ጋዓንቴ የኦሲ ዓሲ ዲሎ"ሳ ጎይፃ ዋጋጋ ዲማዲ ዕዴ፤
ዬይያ፡- ሙሴ ዔርዜ ዋጎና የኦሲ ማሊያ ኬኤዛ ዓሶ ዛሎ"ና
ማርካዲንቴ።

22 ዬያሮ የኦሲ የናኦ ዲማሱዋፃ ዬሱሰ ኪሪሰቶሴ
ጉሙርቆዘንሢ ሲያ ዲሎ"ሞ ዒንጋ፤።

23 ዓይጎሮ ጌዔቶ ዓሲ ሲያ ጎሜ ማዲ የኦሲ ዔያቶሞ ዒንጌ
ቦንቻጋ ዓቴ"፤።

24 ዬያሮ ዓሳ ዬሱሰ ኪሪሰቶሴ ማዴ ዳቂሺያ ማዴ"ና የኦሲ ፔ
ኮሹሞና ዒንጌ ዒንጊያና ዲሎ"፤።

25 የኦሲ ዬሱሰ ኪሪሰቶሴ፡ ጎሞ ዛሎ ዒንጎ ባኦዚ" ማሢ
ዒንጌሢ፣ ዒዛ ጉሙርቆሢ ሲያ ዒዛ ሱጉያና ዔያቶኮ ጎማጋ
ማኦሪንቴሢ ዴንቃንዳጉዲኬ፤ የኦሲ ዬያ ማዴሢ፣ ቤርታ ዓኦ ጎሞ
ጊቢ" ዳንዳዒሢና ባኦያ ማሢ ፔኤኮ ዲሎ"ሞ ጎይያ ዳዋሢ።

26 ሐሢኦ ዋዶ"ና የኦሲ ዲሎ" ዋጋያ ማዒያ ዳዋሢ፣ ዬሱሴ
ጉሙርቆዘንሢ ሲያ ዲሎ"ሲያና።

27 ዓካሪ ኦኤኒ ሄርሺንታንዳ ባኦዚ" ዓይጌ ዓኦ? ዓይጎናኦ ኦ
ሄርሺንታ ባኦዚ" ባኦሴ፤ ኦ ሄርሺንቱዋኦሢ ዓይጎ ዛላናዳይ? ዋጎ ኦ
ማዲ ኩንሠሠሮዳ? ዔይዔ፤ ኪሪሰቶሴ ጉሙርቁሢ ዋጌና።

28 ዬያሮ የኦሲ ዓሲ ዲሎ" ማሢ ዛጋሢ፡- ዋጌ ማዴ
ኩንሠሠሞቱዋንቴ ጉሙርቁቶ ማዔሢ ኦ ዔራ፤።

29 የኦሲ፡ ዓይሁዶ ዓሶ የኦሲ ሌሊዳ? ዓይሁዶ ማዒባኦ ዓሶኮ
የኦሲቱዋዳ? ጎኔና ዓይሁዶ ማዒባኦ ዓሶኮዋ የኦሲኬ።

30 የኦሲ ፔቴ"ኬ፤ ዓይሁዶ ዓሶ ማዔቴያ ዓይሁዶ ማዒባኦ ዓሶ
ኪሪሰቶሴ ጉሙርቁሢ ዛላና ዲሎ"ሳሢ ዒዛኬ።

31 ዓካሪ ኪሪሰቶሴ ጉሙርቁሢ ዛላና ዋጎ ኦ ባይዛ፤ ጌይሢዳ?
ያዲቱዋሴ! ባሸና ዋጎ ኦ ዶዲሺ ካካጋያኬ።

4

ዓብራሃሜኮ የኦሲ ጉሙርቁያና ዲሎ"ያ

1 ዓካሪ፡ ኦኤኮ ዓዳሢ፣ ዓብራሃሜ «ዴንቁ፤» ኦ ጋዓሢ
ዓይጌንዴዳይ?

3:22 ጋላ. 2፣16።

3:30 ላሚ. ዋማ 26፣4፤ ጋላ. 3፣20።

2 ዓብራሃም ምንዴ ያለ"ህ ማደና ማዕያታቱ ዲ ሄርሺንታንዳ ባአዚ" ዴንቃንዳጎኬ፤ ጋዓንቱ ዲ ጎኦሲ ቤርታ ሄርሺንታንዲ ዲንዳዑቀሴ።

3 ዓይጎሮ ጌዔቴ፡- «ዓብራሃም ጎኦሲ ጉሙርቁህሮ ጉሙርቁፃ ዲዛኮ ያለ"ሞ ማዕ ጋይዲንቴኔ» ጌይንቲ ፃአፒንቴኔ።

4 ማደ ማደ ዓሲም ማደ" ዛሎ" ዲንጊንታ ባካ ዲዛኮ ምልቆ ዛሎ"ኬ፤ ጉሪ ዲንጎያቱቀሴ።

5 ዓሲ ኮሺ ባአዚ" ማዲባአያ ማዕቴያ ጎሞ ዓሰ ያለ"ሳ ጎኦዛህ ጉሙርቁቶ ጉሙርቁፃ ያለ"ሞ ማዕ ዲዛም ጋይዲንታንዳኔ።

6 ዓሲ ኮሺ ማደ ዛላሮቱዋንቴ ጎኦሲ ጉሪ ያለ"ሳ ዓሲ ዓንጂንቴያ ማዕያ ደውቴ ዔርዛዎ፡-

7 «ዳቢንታ ዓቶም ጌይንቴዘንህና ጎሞዋ ሓሾ"ና ዓሳ ዓንጂንቴያኬ!

8 ጎኦሲ ጎሞ ዲዛኮ ዓርቁባአ ዓህ ዓንጂንቴያኬ!» ጌዔኔ።

9 ዓካሪ ዬይ፣ ዳውቴ ኬኤዜ፣ ዓንጂ ዓቲንቶ ቤርቶ ቲቁንቴ ዓሰም ሌለሞ? ቲቁንቴባአ ዓሰማአ ኬኤዜይ?

ቲቁንቴባአዘንህማአ ኬኤዜኔ። ዓይጎሮ ጌዔቴ፡- «ዓብራሃም ጎኦሲ ጉሙርቁህሮ ጉሙርቁፃ ዲዛኮ ያለ"ሞ ማዕ ዲዛም ጋይዲንቴኔ» ኮ ጌዔኔ።

10 ዓብራሃምኮ ጉሙርቁፃ ያለ"ሞ ማዕ ጋይዲንቴህ ዓይዴዳይ? ዓቲንቶ ቤርቶ ቲቁንቶኮ ቤርታሞ? ጊንፃአዳይ? ዓቲንቶ ቤርቶ ቲቁጎኮ ቤርታኬ፣ ጊንፃአቱቀሴ።

11 ዓብራሃም ዓቲንቶ ቤርቶ ቲቁንታንዳህኮ ቤርታ ዲዛኮ ጉሙርቁፃ ያለ"ሞ ማዕ ዲዛም ጋይዲንቴህ ዔርዛንዳ ማላታ ማዓንዳጉዲ ዓቲንቶ ቤርቶ ዲ ቲቁንቴኔ፤ ዬያሮ ዓብራሃም ዓቲንቶ ቤርቶ ቲቁንቴዋጎ ጉሙርቆዘንህና ጉሙርቁፃአ ያለ"ሞ ማዕ ጋይዲንታዘንህኮ ቢያ ዓደኬ።

12 ዬያጉዲ ሃሃ ዓብራሃም ዓቲንቶ ቤርታ ቲቁንቴዘንህኮዋ ዓደኬ፤ ዓቲንቶ ቤርቶ ቲቁንቴዘንህኮ ዓደ ማዕ ጎይፃ ዔያቶኮ ዓቲንቶ ቤርቶ ቲቁንቶና ሌሊቱዋንቴ ዲዚ ዓቲንቶ ቤርቶ ቲቁንቶኮ ቤርታ ዓአ ዲዛኮ ጉሙርቁጎጉዴያ ዔያታ ጉሙርቁህሮኬ።

13 ዓብራሃም ፔ ዜርዎና ዓጮ" ዳካላንዳያታህ ጎኦሲ ዲዛም ሃጊ ማዓንዳ ምዛ ዲንጌኔ፤ ዬይ ምዛ" ጴዴህ፣ ዓብራሃም ምጎ ኩንህህሮቱዋንቴ ጉሙርቁህሮና ጉሙርቁፃአ ዲዛም ያለ"ሞ ማዕ ጋይዲንቴህሮኬ።

4:3 ማኸ. ማፃ 15፣6፤ ጋላ. 3፣6። 4:8 ዓይኑ. 32፣1-2። 4:11 ማኸ. ማፃ 17፣10። 4:13 ማኸ. ማፃ 17፣4-6፤ 22፣17-18፤ ጋላ. 3፣29።

14 ይያ ሐገ ማዓንዳ ዎዘ" ዴንቃንዳዘንሢ ዎጎ ካፓ ዓሶ ማዔቴ ጉሙርቂሢ ፓሡዎ ባኣዚ" ማዓኔ፤ ዒንገንቴ ዎዘ"ኣ ጉሪ ማዓኔ ጌይሢኬ።

15 ዎጌ ያኦሲ ጎራንጉቴ ዔኪ ዩዓኔ፤ ዎጌባኣያ ማዔቶ ጋዓንቴ ዎጌኮ ዑሣ ዓኣዲ ዳሶ ዳቢንጉቴ ባኣያ ማዓንዳኔ።

16 ሃገ ማዓ ዎዘ"ኮ ዓይፃ ጉሙርቂሢኬ፤ ዩያሮ ዓብራሃሜ ዜርፃ ቢያ ዩያ ዔርቴ ዎዘ" ያኦሲኮ ኮሹሞ ዒንገያና ዴንቃንዳኔ፤ ዩይያ፡- ዎጎ ዛሎ"ና ዒላ"ዘንሢሞ ሌሊቱዎንቴ ዓብራሃሜጉዲ ጉሙርቂያና ዒላ"ንዳዘንሢሣኣ ማዓንዳኔ፤ ዓብራሃሜ ጉሙርቂያ ዛሎ"ና ኑና ቢያሢኮ ዓድ ማዔሢሮኬ።

17 ዩይ ያዲ ማዔሢ፡- «ሚርጌ ዴሬኮ ታ ኔና ዓድ ማሄኔ» ጌይንጉ ፃኣፒንቴ ጎይያናኬ። ዩያሮ ዓብራሃሜ ጉሙርቂ ያኦዛሢ፤ ሐይቂሢያ ዔቂሳሢና ባኣ ባኮዎ ዓኣያ ማዓንዳጉዲ ማሃ ያኦዛሢኮ ቤርታ ሃገ ማዓ ዎዘ" ዒዛኮ ደዲኬ።

18 ዓብራሃሜ ጉሙርቂሢ ሃገ ማዓ ዎዘ ጌሢሢ' ዓይጎ ባኣዚ"ያ ሃገ ማዓ ዎዘ ማሆንደ ባኣዚ" ባኣያይዳኬ፤ ዩያሮ፡- «ዜርፃ ኔኤኮ ዩያጉዲ ሚርጋንዳኔ» ጌይንጉ ፃኣፒንቴ ጎይያና ሚርጌ ዴሬኮ ዒ ዓድ ማዔኔ።

19 ለዓ ዒዛኮ ፃኤታ ሄላ"ያ ማዔ፥ ጋርቼ ዓሲታፃ ዒዛንታ ማቾ ሳኣራንታ ጋርቼ ሾዓኒ ዳንዳዑዎኣሢ ዔሬቴያ ያኦሲ ጉሙርቂያ ዒ ሹሌዒሲባኣሴ።

20 ጉሙርቂያና ዒዚ ደዲ ያኦሲ ቦንቼያፓዓቴሞ ያኦሲ ዒንጌ ሃገ ማዓ ዎዘ"፡- «ማዓያሞ ማዑዎያዳይ?» ጌይ ማሊባኣሴ።

21 ዓይጎር ጌዔቴ ያኦሲ ዒዛሞ ዒንጌ ዎዘ" ኩንሢኒ ዳንዳዒሢ ዒ ዔሬሢሮኬ።

22 ዓብራሃሜኮ ጉሙርቂያ ዒሉ"ሞ ማዒ ፓይዲንጉሢ ዩያናኬ።

23 ጋዓንጉቴ፡- «ዒሉ"ሞ ማዒ ዒዛሞ ፓይዲንጉቴ» ጋዓ ቃኣላ" ፃኣፒንጉሢሢ ዓብራሃሜሞ ሌሊቱዎንጉቴ፤

24 ኑማኣ ማዓያኬ፤ ጎዳ ዩሱሴ ሃይባ"ፓ ዔቂሴ ያኦዛሢ ኑ ጉሙርቂሢሮ ኑማኣ ኑ ጉሙርቂያ ዒሉ"ሞ ማዒ ፓይዲንጉንዳኔ።

25 ዩይ፡ ኑ ጎዳሢ፥ ዩሱሴ ኑ ጎሞሮ ሃይቢሞ ዓኣሢንጉቴ ዒንገንጉሢሢና ኑናኣ ዒሊ"ሳኒ ሃይባ"ፓ ዔቂሢኬ።

5

ጉሙርቂሢና ጴዳ ኮሹሞና ዎዛና

4:14 ጋሊ. 3፣18። 4:16 ጋሊ. 3፣7። 4:17 ማኸ. ማፃ 17፣5። 4:18 ማኸ. ማፃ 15፣5። 4:19 ማኸ. ማፃ 17፣17። 4:25 ዒሲ. 53፡4-5።

- 1 ዓካሪ፡ ኩኒ ጂሎ"ሞ ዴንቄሢ ጉሙርቄሢና ማዔሢሮ ኑ ጎዳ ዩሱስ ኪሪስቶስ ዛሎ"ና ጾኑሲና ዎላ" ኩኩኮ ኮሹሞ ዓኣኔ።
- 2 ዒዛ ዛሎ"ና ሃሢ ኑ ዓኣ፡ ጾኑሲኮ ኮሹሞ ዒንጊያይዳ ጉሙርቄሢና ኑ ጌላኒ ዳንዳዔኔ፤ ጾኑሲና ዎላ" ቦንቺንታያ ኑ ማዓንዳሢሮ ሃጊ ማዓንዳ ዎዘና ኑ ዎዛዳኔ።
- 3 ዬያና ሌሊቱዎንቲ ኩኩኮ ማታሢናኣ ኑ ዎዛዳኔ፤ ዓይጎሮ ጌዔቶ ማቶይዳፓ ደዲሞ ጴዳያታሢ ኑ ዔራኔ፤
- 4 ደዲሢ ማቶ ዳንዳዔያ ማዔሢ ዔርዛኔ፤ ዩካፓ ሃጊ ማዓንዳ ዎዛ ጴዳኔ።
- 5 ኑሞ ዒንጊንቲ ዓያና ጌኤዡ ዛሎ"ና ጾኑሲ ናሹማ ዒና" ኩኩኮ ሚርጌና ዓኣሢሮ ዒ ሃሢ ዒንጌ ሃጊ ማዓንዳ ዎዛ" ኑና ቦርሲሱዎሴ።
- 6 ቤርታ ኑ ላቤ"ያ ማዔ ዓኣንቲ ጾኑሲ ማሊ ጌሢ ዎዶ"ና ኪሪስቶስ ጎሞ ዓሶ ዛሎ" ሃይቄኔ።
- 7 ጂሎ" ዓሲ ዛላሮ ጌዒ ሃይቃንዳ ዓሲ ዴንቃኒ ሚርጌ ማቶኬ፤ ጋዓንቲ ኮሺ ዓሲ ዛላ ሃይቃኒ ጫርቃይ ጎጾንቲ ጴዳንዳያ ናንዳኔ።
- 8 ጋዓንቲ ኩኒ ጎሚናታንቲ ኪሪስቶስ ኑ ዛሎ" ሃይቄኔ፤ ዬይያ፡-ጾኑሲ ኑና ናሽካ ናሹማ ኮሺ" ዴኤፒ ማዔሢ ዔርዛኔ።
- 9 ዓካሪ፡ ኩኒ ጂሎ"ሢ ዩሱስ ኪሪስቶስ ሱጉጾ ዛሎ"ና ማዔቲ፡ ባሺና ጾኑሲ ጎሮ"ንታፓ ኑ ዓታንዳሢ ዒዛ ዛሎ"ናኬ።
- 10 ኩኒ ጾኑሲና ሞርኬ ማዔ ዓኣጾ ዒዛኮ ናዓሢ ሃይቦ"ና ዒዛና ዎላ" ኑ ቡኩኔ፤ ሐሢያ ኩኒ ጾኑሲና ዎላ" ቡኩሢኮ ጊንጎ ዒዛኮ ናዓሢ ናንጎ ዛሎ"ና ባሺ ኑ ዳቃንዳኔ።
- 11 ዬያ ሌሊቱዎንቲ ኩና ቡኩሴ፡ ዩሱስ ኪሪስቶስ ዛሎ"ና ጾኑሲ ማዴ ባኮሮ ኑ ዎዛዳኔ።

ሓይቢ ዓዳኣሜና ናንጊ ኪሪስቶሴና ሙኪያ

- 12 ፔቲ" ዓሲ ዛላና ጎሚ ዓጮ" ጌሌም፡ ጎሚ ዛላና ሓይቢ ሙኬኔ፤ ዬይያ፡- ዓሲ ቢያ ጎሚ ማዴሢሮ ሓይቢ ዓሲ ቢያ ሄሌ"ኔ።
- 13 ዎይቲ ጌዔቲ ሙሴኮ ዓሶ ዎይሃ ዎጋ ዒንጊንታንዳሢኮ ቤርታ ጎሚ ዓጮ" ዓኣኔ፤ ማዔቲያ ዎጌባኣ ዎዴና ጎሚ ጎሚኬ ጌይንቱዎሴ።
- 14 ጋዓንቲ ዓዳኣሜጉዲ ዎጌ ዳቢ ጎሚ ማዴባኣዘንሢያ ዓይሱዎ፡ ሓይቢ ዓዳኣሜፓ ዓርቂ ሙኪ ሙሴ ሄላ"ንዳኣና ዓሲ ቢያይዳ ቢታንቶ ዴንቄኔ።
- ዬይ ዓዳኣሜ ሃጊ ሙካንዳ ኪሪስቶሴኮ ማላታ ማዔኔ።

5:12 ማኸ. ማፃ 3፡6።

15 ጋዓንቴ ጾኑሲኮ ኮሹሞ ዒንጊፃ ዓሢኮ ጎሞይዳፓ ባሼኬ፤ ፔቴ" ዓሲ ጎሜ ዛላና ሚርጌ ዓሲ ሃይቁሢፕዲ ጾኑሲኮ ኮሹሞ ዒንጊፃ ማዕ። ፔቴ" ዬሱስ ኪሪስቶሴ ዛሎ"ና ጴዴ ዒንጊፃ ሚርጌ ዓሶም ዑሣ ዓአሢ ዒንጊንቴ።።

16 ዬያፕዲ ጾኑሲኮ ኮሹሞ ዒንጊፃኮ ዓአፓ ዓሢኮ ጎሞ ዓአፓፓ ባሼኬ፤ ፔቴ" ዓሲ ጎሜ ዛላ ዒንጊንቴ ዎጌ ሜቶ ዒኪ ሙኬኔ፤ ሚርጌ ጎሞ ዛሎ"ና ዒንጊንቴ ጾኑሲ ኮሹሞ ዒንጊፃ ጋዓንቴ ጂሎ"ሞ ዒኪ ሙኬኔ።።

17 ፔቴ" ዓሲ ዳቢንቴ ዛላና ሓይቢ ዓሲ ቢያይዳ ቢታንቶ ዴንቁኔ፤ ጋዓንቴ ዬያፓ ዬሱስ ኪሪስቶሴ ማዴሢ ባሼኬ፤ ዬይያ፡- ፔቴ" ዬሱስ ኪሪስቶሴ ዛሎ"ና ጾኑሲኮ ሚርጌ ኮሹሞ ዒንጊፃ ዴንቁ ጂሎ" ዓሳ ቢያ ሃይቢ ባሺ ናንጊና ናንጋንዳ።።

18 ዓካሪ፡ ፔቴ" ዓዳአሜ ጎሞ ሜቶ ዎጌ ዓሲ ቢያይዳ ዔኪ ሙኬያ ማዕቴያ፡ ፔቴ" ኪሪስቶሴኮ ጂሎ"ሞ ማዳ" ሚርጌሢ ማቶይዳፓ ኬሲ" ናንጊ ዒንጋንዳ።።

19 ዓዳአሜኮ ዓይሢንቴዎ ዓቲፃ ዛሎ"ና ሚርጌ ዓሳ ጎሜና ማዕሢፕዲ፡ ኪሪስቶሴኮ ዓይሢንቴፃ ዛሎ"ና ሚርጌ ዓሳ ጂሎ"ንዳ።።

20 ዎጌ ሙኪያና ዳቢንቴ ሚርጌኔ፤ ጋዓንቴ ዳቢንታ ሚርጌሢዳፓ ጾኑሲኮ ኮሹሞ ዒንጊፃ ዑሣ ዓአዴ ሚርጌኔ።።

21 ዬይ ያዲ ማዕሢ ጎሜ ሃይቢ ዛላና ካአታዴሢፕዲ ጾኑሲኮ ኮሹሞ ዒንጊፃ ኑ ጎዳሢ ዬሱስ ኪሪስቶሴ ዛሎ"ና ጴዳ ናንጊና ናንጊ ጂሎ"ሞ ዔኪ ሙኪሢና ካአታዳንዳፕዲኬ።።

6

ጎሜይዳፓ ሃኪ ኪሪስቶሴና ናንጊሢ

1 ዓካሪ ኑ ዎዚ ጎፃንዳይ? ጾኑሲኮ ኮሹሞ ዒንጊፃ ኑሞ ሚርጋንዳፕዲ ጎሜ ማዲ ማዲ ናንጎንዳ?

2 ፔቴ"ታፃ ዬይ ኮይሱሞ! ኑኪ ሃይቢና ዲማዴሢፕዲ ጎሜይዳፓ ዲማዴፃ ጊንሣ ዎይቲ ኑ ጎሜ ማዲ ማዲ ናንጋንዳይ?

3 ዬሱስ ኪሪስቶሴና ዎላ" ፔቴ" ማዓኒ ኑ ዎአፃ ማሰቴ ዓሳ ቢያ ዒዛኮ ሃይቢ"ና ፔቴ" ማዓኒ ዎአፃና ማሰቴሢ ዒንሢ ዔሩዎዓዳ?

4 ዎአፃ ማሰቴፃና ዒዛና ዎላ" ኑ ዲኡቴ ዎደ"ና ዒዛና ዎላ" ኑ ሓይቁፃ ማዕቴ፤ ዬያሮ ኪሪስቶሴ ዓደኮ ቦንቾና ሓይባ"ፓ ዔቁሢፕዲ ኑኪያ ዓኪ ናንጊ ናንጋንዳ።።

6:4 ቆላ. 2፡12።

5 ኩኩኒ ሓይቂ ዒዛና ዎላ" ፔቴ" ማዔቴ፥ ሓይባ"ፓ ዔቂዖና ዒዛና ዎላ" ኑ ፔቴ" ማዓንዳኔ።

6 ኩኩኩ ቤርታኦ ናንጋ ላኦሚንቴም ጎሜኮ ካራሚ ማዒፃ ዓታንዳጉዲ ቤርታኦ ናንጋ ኩኩኩ ኪሪሰቶሴና ዎላ" ሱዲንቴህ ኑ ዔራኔ።

7 ጎሜኮ ሓይቂ ዓሲ ዑሰካ ቢታንቶ ባኦሴ።

8 ዓካሪ ኩኩኒ ኪሪሰቶሴና ዎላ" ሓይቂቴ ዒዛና ዎላ" ናንጊና ናንጋንዳህ ኑ ጉሙርቃኔ፤

9 ኪሪሰቶሴ ሓይባ"ፓ ዔቂህሮ ላሚ ሓይቂንዲዎኦህሪና ሓይቢኮዎ ዒዛይዳ ቢታንቶ ባኦህ ኑ ዔራኔ።

10 ዒዚ ሓይቂ ዎድ"ና ጎሜኮ ዒዛ ዑፃ ቢታንቶ ባኦፃ ማዓንዳጉዲ ጋፒንህ ፔቴ"ና ዒ ሓይቂኔ፤ ሓህ ዒ ሸምፔና ማዒ ናንጋህ ፆኦሲምኩ።

11 ዓካሪ ሓህ፡ ዒንህዳ ጎሜኮ ቢታንቶ ባኦህና ዬሱሰ ኪሪሰቶሴ ዛሎ"ና ፆኦሲም ሸምፔና ዓኦፃ ማዒ ዒንህ ናንጋያታህ ማሉዎቴ።

12 ዬያሮ ጎሜ ፔኤኮ ፑርቶ ማሊፃ ዒንህ ኩንህሱዎጉዲ ዒንህከ ሃይቃ ዑፆይዳ ጎሜ ቢታንታንዳጉዲ ማሂፖቴ፤

13 ዒንህከ ዲማ ዲማ ዑፆ ፑርታ ባኦዚ" ማዳፃ ማሂ ጎሜም ዒንጊፖቴ፤ ጋዓንቴ ሃይቢፓ ዒንህ ዔቂ ጎይዖና ዒንህ ፆኦሲም ዒንጉዎቴ፤ ሃህ ዒንህከ ዲማ ዲማ ዑፆዎ ቢፃ ዒሎ" ማዳ ማዳንዳጉዲ ፆኦሲም ዒንጉዎቴ።

14 ዓይጎሮ ጌዔቴ ሃህ ዒንህ ናንጋህ ፆኦሲኮ ኮሹዎ ዒንጊፆ ዴማ" ማዓንዳኦፓዓቴም ዎጌ ዴንካቴዎኦህሮ ጎሜ ዒንህ ዎይህኒ ኮይሱዎሴ።

ዒሎ"ሞ ካራሚ ማዒህ

15 ዓካሪ ኑ ዎድ"ንደይ? ዎጌ ዴማ" ማዒፃ ዓቴም ፆኦሲኮ ኮሹዎ ዒንጊፆኮ ዴማ" ኑ ማዔያታህሮ ጎሜ ኑ ማዳም ጌይህዳ? ዬይ ፔቴ"ታፆ ማዓዓኩ!

16 ፔቴ" ዓሲም ዒንህ ማዳኒ ዓይህንታኦና ዬያ ዒንህ ዓይህንታ ዓህም ካራሚ ማዔህ ዒንህ ዔራኔ፤ ዬያጉዲ ጎሜም ዒንህ ዓይህንቴቴ ሓይቢ ዔኪ ሙካ፥ ጎሜኮ ካራሚ ዒንህ ማዓንዳኔ፤ ፆኦሲም ዓይህንቴቴ ጋዓንቴ ዒሎ"ሞ ዒንህ ዴንቃንዳኔ።

17 ዒንህ ቤርታ ጎሜኮ ካራሚኩ፤ ሓህ ጋዓንቴ ዎይዚ ዔኪ ዔራቶ"ም ዒናፓ ዒንህ ዓይህንታህሮ ፆኦሲ ጋላታ ሄሎ"ንጎ።

18 ጎሜ ካራሙዎይዳፓ ኬሰኪ ዒሎ"ሞኮ ካራሚ ዒንህ ማዔኔ።

19 ታኣኒ ሃያ ዲንሢም ዔርታንዳ ጎይሢና ኬኤዛሢ' ዲንሢኮ ማሊፃ ላቤ"ያታሢሮኬ፤ ሃያኮ ቤርታ ዲንሢኮ ዑያ ዲኢቱ ባኣዚ"ና ፑርታ ማድናም ማሃ ዲንሢ ዲንጌሢጉዲ ሓሢ ዲንሢኮ ዲማ ዲማ ዑያ ያኣሲም ዲማዴያ ማዓንዳጉዲ ዲሎ"ሞኮ ካራሚ ማሃ ዲንጉዋቱ።

20 ዲንሢ ጎሜኮ ካራሚ ማዒ ዓኣ ዋደ"ና ዲሎ"ሞም ዲንሢ ማዳንዳሢ ዲንሢም ዔርቲባኣያኬ።

21 ሃዲያ ዬኖ ዋደ"ና ዓይጎ ዲንሢ ፓሢ ባኣዚ" ዴንቄይ? ሓሢ ዲንሢ ቦርሲሳ ባኮይዳፓ ዓታዛ፣ ዓይጎዋ ፓሢ ባኣዚ" ዲንሢ ዴንቄባኣሴ፤ ዬያ ባኮኮ ጋፒንፃ ሃይቢኬ።

22 ሓሢ ጋዓንቴ ጎሜኮ ካራሙሞይዳፓ ዲንሢ ኬሰኪ ያኣሲ ካራሚ ማዓሢሮ፣ ያኣሲም ዲማዴያ ዲንሢ ማዓንዳኔ፤ ያኣሲም ዲማዴያኮዋ ጋፒንፃ ናንጊና ናንጊኬ።

23 ዓይጎሮ ጌዔቴ ጎሜይዳፓ ጴዳ ባኣዚ" ሓይቢኬ፤ ያኣሲዳፓ ዲንጊንታ ዲንጊፃ ጋዓንቴ ኑ ጎዳሢ፣ ዬሱሰ ኪሪሰቶሴ ዛሎ"ና ጴዳ ናንጊና ናንጊኬ።

7

ዔፒና ኮኣኪንሢና ባኣዚ"

1 ታ ዲሾንሢ! ታ ሚሾንሢ! ቢያሢ ዲንሢ ዋጌ ዔራያታሢሮ ዋጌ ዓሲዳ ቢታንቶ ዴንቃሢ ዓሲ ሾምፖና ዓኣ ዋደ"ማና ሌሊታሢ ዲንሢ ዔራኔ።

2 ኮኣኪንሢና፡- ፔቴ" ሎዔ ላኣሊ ዓኒና ዋላ" ሾምፔና ናንጋ ዋደ"ይዳ ዲዛና ዋላ" ዋጌና ቱኡቴ"ያኬ፤ ዓኒ ዲዛኮ ሃይቄቶ ጋዓንቴ ዲዛ ቱኡቴ" ዋጎይዳፓ ኬሰኬያ ማዓኔ።

3 ዬያሮ ዓኒ ዲዛኮ ሾምፔና ዓኣንቴ ሜሌ" ዓቲንቄም ዲዛ ሎዔቴ ዓኒ ማዒባኣያና ላሄኔ ጌይንታኔ፤ ዓኒ ሃይቄቶ ጋዓንቴ ዲዛና ዋላ" ዲዛ ቱኡቴ" ዋጎይዳፓ ኬሰኬያኬ፤ ሜሌ" ዓሲም ዲዛ ሎዔቴ ዓኒ ማዒባኣያና ላሄኔ ጌይንታዓኬ።

4 ዲሾንሢዮቴ! ዲንሢ ባካ ዬያጉዴያኬ፤ ዲንሢ ኪሪሰቶሴ ዑያኮ ዲማ ዲማ ቤዛ ማዔሢሮ ሓይቢና ዲማዴሢጉዲ ሙሴ ዋጋ"ፓ ዲንሢ ዲማዴኔ። ዬያሮ ያኣሲ ማደ"ም ዓኣፒ ኑ ዓኣፓንዳጉዲ ሃይቦ"ይዳፓ ዔቄ፣ ኪሪሰቶሴሮ ዲንሢ ማዓኔ።

5 ዋይቲ ጌዔቴ ጎሞ ማሊያና ኑ ናንጋ ዋደ"ና ዋጎ ዛሎ"ና ማዳንታ ፑርቶ ማሊፃ ሓይቢ ዓኣፒ ኑ ዓኣፓንዳጉዲ ኑኡኮ ዲማ ዲማ ዑያይዳ ማዳኔ።

6 ሐሣ ጋዓንቴ ቤርታ ቱኪ" ኑና ዓኣ ዋጎይዳፓ ሐይቢና ዲማዲሢጉዲ ኑ ዲማዲያ ማዔሢሮ ዋጎ ቱኡዛፓ ኑ ከሰከኔ። ዬያሮ ሃካፓ ሴካ ኑኡኒ ማዲሢ ዓኪ ማዔ ዓያሮ ዓይሢያጉዲከ፤ ሚና ቤርታ ፃኣፒንቴ ጨንቁ ዋጋ" ዓይሢሢ ጎይያቱዋሴ።

ዋጌና ጎሜና ዛላ

7 ዓካሪ ኑ ዋዚ ጎንጎይይ? ዋጌ ፔ ቶኦኪና ጎሜከ ጌይሢዳ? ፔቱ"ታ? ያዲቱዋሴ! ጋዓንቴ ጎሜ ዓይጎ ማዔቴያ ታ ዔራንዳጉዲ ማሄሢ ዋጌከ። ዋይቲ ጌዔቴ ዋጋ"፡- «ዓሲሮ ዛጊ ሱኡካዲፖ» ጌዒባኣያታቱ፡ «ሱኡካዲሢ» ዓይጎታቱያ ታ ዔራንዲዋያታንቴከ።

8 ጎሜ' ሱኡከ ቢያ ታ ሱኡካዲንዳጉዲ ማሄሢ ዋጌይዳፓ ሙከ ዓይሢያ ዛሎ"ናከ፤ ዋጌባኣቶ ጋዓንቴ ጎሜ ሐይቁ ባኣዚ"ከ።

9 ዋጌ ታ ናንጎይዳ ሐጊ ቢታንቶ ዴንቁባኣንቴ ዋጎኮ ዓይሢያ ታ ዔራዛ ጎሜ ሸምፖ ዴንቁ፤

10 ታኣኒ ሐይቁ፤ ናንጊና ናንጊ ዒንጋንዳጉዲ ዒንጊንቴ ዋጎኮ ዓይሢያ ታኣም ሐይቢ ዔኪ ሙከኔ።

11 ዋይቲ ጌዔቴ ዋጌኮ ዓይሢያ ዛሎ"ና ጎሜ ካራ ዴንቁ ታና ጌሺ ዓይሢሢና ዋዴ።

12 ዬያሮ ዋጌ ያኦሲም ዲማዲያከ፤ ዓይሢሢያ ዲማዲያ፡ ጌኤሺ ሐሣ ኮሺከ።

13 ሄዳዎ ዬይ ኮኮ ባካ ታኣም ሃይቢ ዔኪ ሙከኔ ጌይሢዳ? ያዲቱዋሴ! ሐይቢ ታኣም ዔኪ ሙከኔ ባካ ጎሜከ። ጎሜ ዓይጎታቱያ ዔርታንዳጉዲ ኮሺ ማዔ ባከሎ ካራ ማሄ ዬይ ሃይቢ ታኣም ዔኪ ሙከኔ። ዬያሮ ጎሞኮ ፑርቱማ ዔርታሢ ዋጌኮ ዓይሢያ ዛሎ"ናከ።

ዓሲ ናንጊዳ ዓኣ ማሹምቦ

14 ዓካሪ ዋጌ ዓያና ባኣዚ" ማዔሢ ኑ ዔራኔ፤ ታኣኒ ጋዓንቴ ጎሜኮ ካራሚ ማዓኒ ሻንቺንቴያ፡ ጎሜ ማሊሢ ታና ዋይሣያከ።

15 ታኣኒ ማዲ ባኮ ታ ዔራዋሴ፤ ዓይጎሮ ጌዔቴ ናሽካ ባኮ ታ ሐሺ"፡ ታ ዒፃ ባኮ ማዲ፤

16 ዓካሪ፤ ታኣኒ ማዲሢ ታ ኮዑዋ ባኣዚ" ማዔቴ ዋጌ ኮሺ ማዔሢ ታ ማርካዲ።

17 ታ ማዲኒ ኮይሱዋ ባኮ ማዲሢ ታ ጊደይዳ ዓኣ ጎሞ ማዓንዳኣፓዓቲም ታናቱዋሴ።

7:7 ከሲ. ማፃ 20፣17፤ ላሚ. ዋማ 5፣21። 7:11 ማኸ. ማፃ 3፣13። 7:15 ጋላ. 5፣17።

18 ታ ጊደይዳ ሐሣ ታኣኮ ጎሞ ማሊያይዳ ዓይጌያ ኮሺ ባኣዚ" ባኣሢ ታ ዔራኔ፤ ዓይጎሮ ጌዔቴ ዓይጎ ኮሺ ባኣዚ" ታ ማዳኒ ማላቶዋ ዩኖ ኮዦ ማዳ"ሎ ታ ማዳኒ ዳንዳዑዋኣሢሮኤ።

19 ማዳኒ ታኣም ኮይሳ ኮዦ ማዳ" ታ ማዳጋዎሴ፤ ጋዓንቴ ታ ኮዑዋ ፑርታ ማዳ ታ ማዳኔ።

20 ዓካሪ ማዳኒ ታኣም ኮይሱዋ ፑርቶ ማዳ" ማዳያ ታ ማዔቴ ዩያ ማዳሢ ታ ጊደይዳ ዓኣ ጎሞ ማዓንዳኣፓዓቴም ታናቱዋሴ ጌይሢኤ።

21 ዩያሮ ፔቴ" ዋጌ ማዳ ማዳ ዓኣሢ ታ ዛጋኔ፤ ዋይቲ ጌዔቴ ታ ኮሺ ባኣዚ" ማዳኒ ኮዓ ዋዶ"ና ፑርታ ባኣዚ" ሌሊ ማዳኒታኔ።

22 ታኣኮ ጋሮ ዒና" ጋዓንቴ ያኦሲ ዋጎና ዋዛዳኔ።

23 ማዔቴያ ታኣኮ ማሊያ ዋጎና ዋላ" ካኣም ዒዲ፥ ታኣኮ ዲማ ዲማ ዑያይዳ ማዳ ጎሞ ዋጎና ዲዒንቴያ ታና ማሃ ማሌ" ዋጌ ታ ጋራ ዓኣሢ ታ ዛጋኔ።

24 ዩያሮ ታ ዋዚጉዳ ላኣፓ ዓሲዳይ! ሓያ ታና ሓይቢም ዔኪ ዳንዳ ዓሸኮይዳፓ ያ ታና ዓውሳንዳይ?

25 ያኦሲም ጋላታ! ዩሱስ ኪሪስቶሴ ዛሎ"ና ዩያ ዒ ማዳሢሮ።

ዓካሪ ታኣኒ ማሊያና ያኦሲ ዋጌም ዋርቃያ ማዓዛ፥ ጎሞ ማሊያና ጋዓንቴ ጎሞ ዋጌም ዋርቃያ ታ ማዓኔ።

8

ዓያና ጌኤሺና ጴዳ ናንጊ

1 ዓካሪ ሃሢ ዩሱስ ኪሪስቶሴና ፔቴሞ ዓኣዞንሢ ናንጊና ፑርታ ዋጌና ዋጊሳ ባኣዚ" ባኣሴ።

2 ዓይጎሮ ጌዔቴ ዩሱስ ኪሪስቶሴ ዛሎ"ና ናንጊ ዒንጋ ዓያና ጌኤሺ ዋጌ፡- ጎሜና ሓይቢ ዋጌናኮ ዓይላቶይዳፓ ታና ኬሴ"ኔ።

3 ዓሲኮ ላሴ" ማሊያይዳፓ ዔቄያና ዋጋ" ኑና ዒሊ"ሳኒ ዳንዳዒባኣታንቴ ያኦሲ ማዳኔ፤ ያኦሲ ፔ ናዖ ኑና ጎሞ ዓሶ ማሊሲ ኑ ጎሞ ዛሎ" ዳኪ ኑኣኮ ጎሞ ማሊያ ናንጊና ዋጊ ባይዜኔ።

4 ዩያ ዒ ማዳሢ ዓሲ ማሊሢናቱዋንቴ ዓያና ማሊሢና ሃንታ ዓሶ፥ ኑጊዳ ፒዜ ማዔ ዋጎ ዓይሢያ ማዳኒቲ ኩማንዳጉዲኤ።

5 ዓሲ ማሊሢና ናንጋዞንሢ፡- ዓሲ ባኣዚ"፤ ዓያና ማሊሢና ናንጋዞንሢ ጋዓንቴ ዓያና ባኣዚ" ማላኔ።

6 ዓሲ ባኣዚ" ማሊሢ ሓይቢ ዔኪ ሙካኔ፤ ዓያና ባኣዚ" ማሊሢ ጋዓንቴ ሽምፖና ኮሹሞና ዒንጋኔ።

7 ዓይገሮ ጌዔቴ ዓሲ ባኣዚ" ዛላ ማላ ዓሲ የኦሲ ዎጌም ዓይሢንቱዎያ ሓሣ ዓይሢንታኒያ ዳንደዑዎያ፣ የኦሲኮ ሞርኬ ማዓኔ።

8 ዓሲ ማላሢ ማሊ ሃንታዘንሢ የኦሲ ዎዛሳኒ ዳንደዑዎሴ።

9 ዓንሢ ጋዓንቴ የኦሲኮ ዓያና" ዓንሢዲ ዓኣቶ ዓያናና ማዓንዳፓዓቴም ዓሲ ማላሢና ዓንሢ ናንጋዓኬ፤ ኪሪሰቶሴ ዓያና" ባኣ ዓሲ ኪሪሰቶሴ ዓሲቱዎሴ።

10 ኪሪሰቶሴ ዓንሢ ጋራ ማዔቴ፣ ዎዚ ዓንሢኮ ዑፃ ጎሜ ዛላና ሓይቃያ ማዔቴያ የኦሲ ዓንሢ ዓሊ"ሴሢሮ ዓያና" ዓንሢኮ ናንገና ናንጋያኬ፤

11 ዬሱሴ ሓይባ"ፓ ዔቂሴ፣ የኦሲ ዓያና" ዓንሢዲ ዓኣቶ ዬሱሰ ኪሪሰቶሴ ሓይባ"ፓ ዔቂሴ፣ የኦዛሢ ዓንሢዲ ናንጋ ዓያኖ ዛሎ"ና ዓንሢኮ ሓይቃ ዑያም ሹምፖ ዓንጋንዳኔ።

12 ዬያሮ ታ ዒሾንሦ! ታ ሚሾንሦ! ኦኡኒ ናንጋኒ ኮይሳ ጎይሢ ዓኣኔ፤ ዬና ኮይሳ ጎይፆላ ዓሲ ማላሢና ኦ ናንጋንዳጉዲቱዎሴ።

13 ዓሲ ማላሢ ማሊ ዓንሢ ናንጋያታቴ ሓይቃንዳኔ፤ ዓያና ጌኤሺ ዎልቄና ዓሲ ማላሢ ማዶ ዓንሢ ባሹቴ ጋዓንቴ ሹምፖና ዓንሢ ናንጋንዳኔ።

14 የኦሲ ዓያና ዓይሣ ጎይያ ዓኣዳዘንሢ ቢያ የኦሲ ናይኬ።

15 ዬያሮ «ዓዴ» ጌይ ዓንሢ ዔኤላ"ንዳ የኦሲ ናይ ማሃ ዓያና ዓንሢ ዔኬኔ፤ ጊንሣ ዓጊቹሞና ናንጋኒ ካራሙሞ ዓያና ዓንሢ ዔኪባኣሴ።

16 የኦሲ ዓያና" ኦ ዓያናና ዎላ" ማዒ የኦሲ ናይ ኦኡኮ ማዒያ ኦም ማርካዳኔ።

17 ዓካሪ ኦኡኒ የኦሲ ናይ ማዔያታቴ ኪሪሰቶሴና ዎላ" ዬያ ሃጊ ማዓንዳ ዎዘ" ቢያ ኦ ደንቃንዳኔ፤ ሓሢ ኦ ኪሪሰቶሴ ሜታዴ ሜቶ" ዔካያ ማዔቴ ሃጊ ዒዛና ዎላ" ኦ ቦንቹንታንዳኔ።

ሃጊ ሙካንዳ ቦንቾ

18 ኦኡኮ ሓሣኣ ዎዶ" ሜታሢ' ሃጊ ኦም ጴዳንዳ ቦንቾና ዎላ" ቤቂሦዛ ኮሺ" ዳካኬ ታ ጋዓኔ።

19 ማዢንታ ቢያ የኦሲኮ ናኣታ" ፔጋዲ ጴዳንዳሢ ዴኤፒ ማላሢ ጌሢ ካፓኔ።

20 ማዢንታ ቢያ ዔኤቢ ፓሠሞ ባኣዚ" ማዓንዳጉዲ ናንገና ዔያቶይዳ ዎጊንቴኔ፤ ዬይያ፡- ማዢንታ ፔ ማላሢናቱዎንቴ የኦሲ ማላሢና ማዔኔ፤ ማዔቴያ ዬይ ሓጊ ማዓንዳ ዎዘ" ዔያቶም ዓኣኔ፤

8:11 1ቆሮ. 3፡16። 8:15 ማር. 14፡36፤ ጋላ. 4፡6። 8:17 ጋላ. 4፡5-7።
8:20 ማዢ. ማፃ 3፡17-19።

21 ይይ ሃጊ ማዓንዳ ዎዛ" ማዢንታ ፔ ቶኦኪና ባይሲንታ ካራሙሞይዳፓ ኬሰኪ፥ ያኦሲ ናኣቶ"ና ዎላ" ካራሙሞ ባኣያ ቦንቾ ናንጊ ናንጋንዳጉዲኬ።

22 ማዢንታ ቢያ ሓኖ" ሄላ"ንዳኣና ሾይቺ ባኒሢ ሜታሳ ሜቶጉዴያና ሜታዲሢዳ ዓኣሢ ኑ ዔራሬ።

23 ጋዓንቴ ሜታዲያይዳ ዓኣሢ ማዢንቶ ሌሊቱዎንቴ ቤርታዲ ዓያኖ ጌኤዢ ዲንጊንቴሞ ዔኬ ዓሳ፥ ኑኡኒያ ያኦሲ ናይ ማዔሢ ዲዚ ፔጋሳንዳ ኬሎ" ሃጊ ማዓንዳ ዎዛና ካፒ ካፒ ኑኡኮ ጋሮ ማሊያና ኑ ሜታዲሢዳ ዓኣኔ፤ ዩካፓ ኑኡኮ ዓይሌ" ማዒፃ ዓታንዳ።

24 ዓይጎሮ ጌዔቴ ኑኡኒ ዳቄሢ ዩያ ሃጊ ማዓንዳ ዎዛ"ናኬ። ጋዓንቴ ዩይ ዎዛ ኑ ማሂ ባካ ጴዳ ባኣዚ" ማዔቴ ሃጊ ማዓንዳ ዎዛ" ዎዛ ማዒፃ ዓቴ"ኔ ጌይሢኬ፤ ጴዳ ባኣዚ" ያኦኒ «ሃጊ ማዓንዳ ዎዛኬ» ጋዓንዳይ?

25 ጴዳዎ ባኣዚ" ሃጊ ማዓንዳ ዎዛ ኑ ማሃያ ማዔቶ ጊቢ" ዳንዳዓሢና ኑ ካፓንዳ።

26 ዎያይዲ ሺኢቃኒ ኑም ኮይሳቴያ ኑ ዔሩዎኣሢሮ ዓያና ጌኤሺ ኑ ላቤ" ዎድ"ና ኑና ማኣዳ"ኔ፤ ጊንሣ ሓሣ ሓያኬ ጌይ ኬኤዚንቴዎ ጎይሢና ሜታዲ ማሊ ኑ ሺኢጴያ ያኦሲም ሺኢሻኔ።

27 ዓሲኮ ዓና ዳንቃ ያኦሲ፥ ዓያኖ ጌኤዢኮ ማሊፃ ዓይጎ ማዔቴያ ዔራሬ፤ ዎይቲ ጌዔቴ ዓያኖ ጌኤዢ ያኦሲም ዳማጴ ዓሶኮ ሺኢጴያ ያኦሲም ሺኢሻሢ ያኦሲ ማሊያጉዴያታሢሮኬ።

28 ያኦሲ ዒዛ ናሽካዞንሢና ዒዛኮ ማሊያጉዴያ ዔኤሌ"ንቴ ዓሶም ያኦሲ ቢያ ባኣዚ" ኮይሳያ ማሂ ማዳሢ ኑ ዔራሬ።

29 ዓይጎሮ ጌዔቴ ያኦሲ ናዓሢ ሚርጌ ጌርሲንሢኮ ባኣካ" ቶይዲ ማዓንዳጉዲ ያኦሲ ቤርታዲ ዶኦሬዞንሢ ዒዛኮ ናዓሢ ማላንዳጉዲ ጌዔሢሮኬ።

30 ቤርታዲ ዒዚ ማሌዞንሢ ዔኤሌ"ኔ፤ ዔኤሌ"ዞንሢ ሃሃ ዒሎ" ማሂ ዛጌኔ፤ ዒሎ" ማሂ ዒ ዛጌዞንሢ ቦንቾሴኔ።

ያኦሲ ናሹዎ

31 ዓካሪ ሃያ ባኮ ዛሎ" ኑ ዎዚ ጎያንዳይ? ያኦሲ ኑኡና ዎላ" ማዔቴ ያ ኑና ዒፃ ማካኒ ዳንዳዓይ?

32 ፔኤኮ ፔቴ" ናዓሢ ሚጨንቴዎያ ኑ ዛሎ"ሮ ዓኣሢ ዒንጌ ያኣዛሢ ቢያ ባኣዚ" ኑም ዒንጋንዳሢ ዔርቴያኬ።

33 ያኦሲ ዶኦሬዞንሢ ያኦኒያ «ዳቤያኬ» ጋዓኒ ዳንዳዓይ? ዒሎ" ማሂ ዛጋሢ ዒዛኬ።

34 ዬያሮ ዔያቶይዳ «ዔያታ ዳቤያኬ» ጌይ ዋጋንዳሢ ያናዳይ? ዬሱስ ኪሪስቶስ ዔያቶይዳ ዋጋንዳ? ዒዚ ዔያቶይዳ ዋጋንዳዎስ፤ ዓይጎሮ ጌዔቴ ዒዚ ኑ ጋይቴ ሓይቂ፣ ሓይቢ፣ ዔቂ ያኑስኮ ሚዛቆ ዛላ" ዳዒ ኑ ሺኢጲያ ያኑስም ሺኢሻሢሮኬ።

35 ዓካሪ ኪሪስቶስ ናሹሞይዳ፣ ዓይጌ ኑና ዳማሳንዳይ? ሚቶታቴያ፣ ኮሺ" ዑሣ ዓኣጳ ሚቶታቴያ፣ ዒዳ ዳውሲሢታቴያ፣ ናይዚታቴያ፣ ካሉሞታቴያ፣ ዋዳንዳ ባኣዚ"ታቴያ፣ ጨንቻ ዓፓሮና ዋዳያታቴያ ኑና ዳማሲንዳዎስ።

36 ዬይያ፡-
«ኔ ጋይቴ ጌዒ ቢያ ኬሊ"ና ሓይቢና ኑ ያልታኔ፤

ሹከንታ ማራይጉዳ ኑ ማዔኔ»
ጌይንቲ ያኣፒንቲሢጉዳኬ።

37 ዓካሪ ኑና ናሽኬ፣ ኪሪስቶስ ዛሎ"ና ዬንሢ ባኮንሢ ቢያ ባሺያና ዋልቆሮንሢዳ፣ ቢያ ኑ ባሻያኬ።

38 ዬያሮ ሓይቢ ማዔቴያ ናንጌ፣ ያኑስ ኪኢታንቸ ማዔቴያ ፑርታ ዓያና፣ ሓሢ ዓኣ ባኣዚ"ታቴያ ሓገ ሙካንዳያ፣ ዓይጎ ዋልቂ ማዔቴያ፣

39 ጳጉሞ ማዔቴ ሂርኩሞ፣ ዓይጎ ማገዢንቲ ማያም ኑ ጎዳሢ ዬሱስ ኪሪስቶስ ዛሎ"ና ኑም ጳጳ ያኑስ ናሹሞይዳ፣ ኑና ዳማሳን ዳንዳዓ ዓይጎ ባኣዚ"ያ ባኣሢ ጎኔና ኑ ዔራኔ።

9

ያኑስ ዒሰራዔኤሌ ዳሮ" ደኦሬያ ማዒያ

1 ታኣኒ ኪሪስቶስ ዓሲታሢሮ ጎኔ ኬኤዛ፣ ሞላቴም ሉኡቁዎስ፤ ዓያና ጌኤሺ ዔኪ ዓኣዳ፣ ታኣኮ ጋሮ ዒና" ታ ሉኡቁዎኣሢ ታኣም ማርካዳኔ።

2 ጳኤፒ ያዩሢና ጋፑዋ ማሊሢና ታኣኮ ዒና" ዓኣኔ፤

3 ታኣኮ ዓሽኮ ዒጊሮ ማዔ፣ ታ ያጳ ዛሎ"ሮ ኪሪስቶስይዳ፣ ዳማዳም ያኑስ ጋዳማ ታና ሄላ"ቶ ቃራታያኬ።

4 ዒሰራዔኤሌ ዓሳ ያኑስኮ ደኦሪንቲ ዳሬኬ፤ ያኑስያ ዔያቶ ፔ ናይ ማሄኔ፤ ፔ ቦንቸዋ ዔያቶም ዳዌኔ፤ ጨኣቁሞዋ ዔያቶና ዒ ጨኣቁኔ፤ ዋጌያ ዔያቶም ዒንጌኔ፤ ጎኔ ካኣሺያ ዔያቶም ዳዌኔ፤ ሃገ ማዓንዳ ዋዛ ቃኣላኣ ዔያቶም ዒንጌኔ።

ያኑሲኮ ጎሪ"ንቶና ማኣሪያና

19 ዓካሪ፡- «ያኑሲ ማሊሢ ማካኒ ዳንዳዒንቱዋያ ማዕቴ ያኑሲ ዓሰ ዓይጎሮ <ፑርታ ማዳኔ> ጌይ ጎራ"ይ» ጋዓይ ናንዳኔ።

20 ሐይ ዓሢ ኔ! ያኑሲና ዋላ" ማርማኒ ዓይጎ ዋልቄ ኔኤኮ ዓኣይ? ማዠንጎቲሢ ማዠጎሢ ኮራ፡- «ኔ ታና ዓይጎሮ ሃያይዲ ማዠጎይ?» ጋዓኒ ዳንዳዓ?

21 ያቲ ማዠሢ ዠኢጤጭ ዓጨዳፓ ዔኪ ፔቴ" ባኬሎ ቦንቸንታያ ማሂ፤ ባጎዞ ቦንቸንቱዋያ ማሂ ማዠኒ ዳንዳዐ-ዋዓዳ?

22 ያኑሲ ዳጎ ጎሪ"ንቶ ፔኤኮ ዳዋኒና ዋልቆ ፔኤኮ ዔርዘኒ ኮዒ ባይሲንቶም ገኢጊንቲዘንሢ ሚርጌና ጊቢ" ዳንዳዓያ ማዕቴሽ!

23 ዬያ ዒዚ ማዳሢ ቤርታዲ ቦንቸም ዒ ገኢጊሹ፥ ዒ ማኣሬ ዓሰም ዒዛኮ ቦንቸ ዴኤፑም ዳዋኒኩ።

24 ዒ ማኣሬ ዓሰ ዓይሁዳፓ ሌሊቱዋንቴ ዓይሁዳ ማዒባኣ ዓሰይዳፓኣ ኑና ዔኤሌ"ኔ።

25 ዬይያ፡- ያኑሲ ማሊያ ኬኤዛ" ሆሴዔ ዛሎ"ና

«ታ ዳሬ ማዒባኣ ዓሰ

ታ ዳሬ!> ጌይ ታ ዔኤላ"ንዳኔ፤

ታ ናሽኩዋ ዳሮ" ታኣኒ ናሽካዘንሢ!»

ጌዒ ታ ዔኤላ"ንዳኔ፤

26 ዔያታ <ዒንሢ ታኣኮ ዳሬቱዋሴ> ጌይንቲ ቤዘይዳ <ናንጊና ባይቁዋ ያኑዛሢ ናኣቶ"> ጌይንታንዳኔ»

ጌይንቲሢፕቶዳያኩ።

27 ያኑሲ ማሊያ ኬኤዛ ዒሲያሴ

ዒሰራዔኤሌ ዓሰ ዛሎ" ዑኡዞ ዳጊዲ፡-

«ዒሰራዔኤሌ ናኣቶ"ኮ ፓይዳ"

ባዘ" ማኣሻሎ"ጉዲ ሚርጌቲያ

ዔያቶይዳፓ ዳቃንዳዘንሢ ዳካ" ሌሊኩ።

28 ዬይያ ያኑሲ ናጉዋያ

ሩኡሪና ዓጮ"ይዳ ዋጋንዳሢሮኩ» ጌዔኔ።

29 ዬያጉዲ ሃሣ ዒሲያሴ ኬኤዛያ፡-

«ቢያ ባኮ ዋይሣ ጎዳሢ ዜርያ ኑኡኮ ዓይሲባኣያታቴ

ሶዶሜና ጋሞራና ካታማ" ባይቄሢጉዲ

ኑኡኒ ሄኤዶ ባይቄያ ናንዳንቲኩ» ጌይ ቤርታዲ ኬኤዜኔ።

30 ዓካሪ ኑ ዋዚ ጎያንዶይ? ኪሪሰቶሴ ጉሙርቄሢና ጴዳ ዓሉ"ሞ ላቢ" ኮዒባኣ፥ ዓይሁዳቱዋ ዓሳ ዳንቄኔ፤

9:20 ዒሲ. 29፤16፤ 45፥9። 9:25 ሆሴ. 2፥23። 9:26 ሆሴ. 1፥10። 9:28 ዒሲ. 10፥22-23። 9:29 ዒሲ. 1፥9።

31 ጋዓንቴ ዋጌይዳፓ ጴዳ ሂሉ"ሞ ኮዔ፥ ዒሰራዔኤሌ ዓሳ ዋጎ ኩንሣሂ ዳንዳዒባአሢሮ ሂሉ"ሞ ዳንቃኒ ዳንዳዒባአሰ።

32 «ዓይጎሮ ሂሉ"ሞ ዳንቁባአይ?» ጌዔቴ ዔያታ ሂሉ"ሞ ዳንቃኒ ኮዔሢ ሆኦሲ ጉሙርቁሢናቴዋንቴ ማደና ማዔሢሮ ዲቃ ሹጫሢዳ ዔያታ ዲቁንቴኔ፤

33 ዩይያ፡-
«ሐይሾ፤ ዓሲ ዲቃ ሹቸ
ዒዮኔይዳ ታ ጌሣኔ፤
ዩይ ሹጫሢ' ዓሲ ዲቁ፥ ዓጋ ላሌኬ።
ዒዛ ጉሙርቃሢ ጋዓንቴ ቦርሲንታዓኬ»
ጌይንቴ ምክፍንቴሢጉዲኬ።

10

ዒሰራዔኤሌ ዓሳ ሆኦሲ ጎይያ ዓአዲባአሢ

1 ታ ዒሾንሦ! ታ ሚሾንሦ! ታአኮ ዒኖ"ይዳ ዓአ ዴኤፖ ማሊያና ሆኦሲ ታ ሺኢቃ ሺኢጲፃ ዒሰራዔኤሌ ዓሳ ዲቃንዳጉዲኬ።

2 ጎኔና ዔያታ ዔሩዋዎ ማዳኔ፤ ሆኦሲ ዛሎ" ባኮ ዒናፓ ናሽካ ዓያና ዔያቶኮ ዓአሢ ታ ቶኦከና ዔያቶኮ ማርካኬ።

3 ሆኦሲ ዓሰ ሂሉ" ማሢ ዛጋ ጎይያ ዔያታ ዔሩዋዎ ዔያታ ፔኤሮ ሂሉ"ኒ ኮዒያና ሆኦሲ ሂሉ"ሞም ዓይሢንቴባአሰ።

4 ዓሲ ቢያ ኪሪሰቶሴ ጉሙርቁሢና ሂሉ"ንዳጉዲ፥ ሙሴኮ ዓሰ ዋይሦ ዋጋ ኪሪሰቶሴና ኩሜኔ።

ዳቁንታ ቢያ ዓሲም ማዒያ

5 ዋጎ ኩንሥሢና ጴዳ ሂሉ"ሞ ዛሎ" ሙሴ ምክፍንቴሢ፡- «ዋጎ ኩንሥሢ ቢያ ሹምፔና ናንጋንዳኔ» ጋዓያኬ።

6-7 «ኔኤኒ ዒኖና <ፔቴ" ዓሲ ኪሪሰቶሴ ኬይሳኒ ሌካ ጫሪንጮ ኬሰኮንጎ፤ ጌዒፖ፤» ሃሣ «ኔ ዒኖና <ፔቴ" ዓሲ ኪሪሰቶሴ ኬሳ"ኒ ሐይቁ ዓሳ ዓአ ቤዞ ኬዶ"ንጎ፤ ጌይፖ» ዩይ፡- ኪሪሰቶሴ ሐይካኬ፤ ሆኦሲ «ሂሎ"ኬ» ጌይ ዛጋ ዓሳ ያዲ ጎዑዋሴ።

8 ሐሣ ገንሣ፡- «ሆኦሲኮ ቃአላ" ኔኤኮ ኮይላ"ኬ፤ ፔቶ" ሃሣ ኔኤኮ ዳንጎና ዒኖናይዳኬ» ጌይንቴ ምክፍንቴኔ። ዩይ ቃአላ" ኦኡኒ ኬኤዛ ጉሙርቁዎ ቃአሎ"ኬ።

9 ዩሱሴ ጎዳ ማዔሢ ኔ ዒኖና ኔ ማርካዲ ሆኦሲ ዒዛ ሐይባ"ፓ ዔቁሴሢያ ኔ ጉሙርቁቶ ዳቃንዳኔ።

10 ዓይጎር ጌዔቴ ዓሲ ፔ ዒኖና ጉሙርቂ ያለ"ኔ፤ ፔ ደጎጎና ማርካዲ ደቃኔ፤

11 ዩይያ፡- «ዒዛ ጉሙርቃሢ ሲያ ቦርሲንቴንዲዎሴ» ጌይንቴ ፃኣፒንቴሢግጉዴያኩ።

12 ዓካሪ፤ ፔቴ" ፆኦዛሢ ሲያሢኮ ጎዳ ማዔሢር ዓይሁዴ ዓሶና ዓይሁዴ ማዒባኣ ዓሶና ባኣካ" ዲሙሞ ባኣሴ፤ ዒዚ ኮሺ ፆኦሲ ማዔሢር ሺኢቃዞንሢም ሲያ ዳቂንቶ ዓንጅ ሚርጌና ዒንጋኔ፤

13 ዓይጎር ጌዔቴ ጌኤዡ ማፃኣፖይዳ፡- «ጎዳ ማኣዳ"ንዳጉዲ ዔኤላ"ሢ ሢ ጉቤ ዳቃንዳኔ» ጌይንቴ።

14 ጋዓንቴ ዒዛ ጉሙርቂባኣታፖ ዎይቲ ዔያታ ዔኤላ"ኒ ዳንዳዓይ? ሐሣ ዒዛ ዛሎ" ዎይዚ ባኣፖ ዎይቲ ዔያታ ጉሙርቃንዳይ? ዔያቶም ኮዡ ሐይሶ ቃኣሎ" ኬኤዛ ዓሲ ባኣንቴ ዎይቲ ዔያታ ዎይዚ ዳንዳዓንዳይ?

15 ጌኤዡ ማፃኣፖይዳ ኮዡ ሐይሶ ቃኣሎ" ኬኤዛዞንሢ ኬኤዞም ዳኪንቴባኣያታቴ ዎይቲ ዔያታ ኬኤዛኒ ዳንዳዓንዳይ? «ኮዡ ሐይሶ ኬኤዛ ዓሶኮ ቶካ ዎዚጉዴ ኮሺዳይ?» ጌይንቴ ፃኣፒንቴሢግጉዲኩ።

16 ጋዓንቴ ፆኦሲ ማሊፆ ኬኤዛ ዒሲያሴ፡- «ጎዳሢፆ! ኑኑኒ ኬኤዛ ቃኣሎ" ፆኦኒ ዔኬይ?» ጌዔሢጉዲ ሲያሢ ኮዡ ሃይሶ ቃኣሎ" ዔከባኣሴ።

17 ዓካሪ፤ ኪሪሰቶሴ ጉሙርቂሢ ጴዳሢ ኮዡ ሐይሶ ዎይዚዳፓኬ፤ ኮዡ ሐይሳኣ ኪሪሰቶሴ ዛሎ" ኬኤዛሢኩ።

18 ሂንዳ ታ ሂዚ ጎፆም፤ ኮዡ ሐይሶ ዔያታ ዎይዚባኣሴ ጌይሢዳ? ጌኤዡ ማፃኣፖይዳ፡-

«ኮዡ ሐይሳ ዓጮ" ሲያይዳ ኬኤዚንቴ፤

ዩይ ዑኡዛ ዓጮ"ኮ ጋፖ ሂሎ"ኔ»

ጌይንቴ ፃኣፒንቴሢግጉዲ፡ ጎኔና ዒሲራዔኤሌ ዓሳ ዎይዜያኩ።

19 ሐሣ ዒሲራዔኤሌ ዓሳ ኮዡ ሐይሶ ዔሪባኣሴ ጌይሢዳ? ዩይ ያዲ ጌይንቴዎጉዲ ሙሴ ሃያኮ ቤርታ፡-

«ቦሂንቴ ዓሶ ዓሲ ማሂ

«ዎይቲ ዔያታ ኑጉዲ ማዔይ» ታ ዒንሢ ጌይሲሳንዳኔ፤

ዔኤሲ ዔራዎ ዓሶ ዔርዚ

ታ ዒንሢ ዳጋሳንዳኔ» ጌዔ።

20 ፆኦሲ ማሊፆ ኬኤዛ ዒሲያሴ ሐሣ፡-

«ታና ኮዒባኣሢም ታ ጴዳኔ፤

«የኦሲ ዓንካዳይ?» ጌይ ታና የኦጢባክዛዎም ታ ፔጋዲ ጴዳይ»
 ጌዲ ጮርቁ ከኤዜኔ።
 21 ጋዓንቱ ዒሰራዔኤሌ ዓሶ ዛሎ" ከኤዛዎ፡-
 «ዓይሢንቱዋ፡ ዒፃ ዳሬ
 ታ ባንሢ ሙካንዳጉዲ
 ቢያ ዋዳ ኩጮ ታ ቤኤዜኔ» ጌዔኔ።

11

የኦሲ ዒሰራዔኤሌ ዓሶ ፔቶ" ሃሺ "ባኣያ ማዒያ

1 ሂንዳ ታ ሐሣ ሂዚ ጎዎም፤ የኦሲ ፔ ዳሮ" ሃሺ"ያ? ፔቴ"ታዎ
 ሃሺ"ባኣሴ! ታኣኒ ታ ቶኦኪና ዓብራሃሜ ዜርፃፓ ሐሣ ቢኢኒያሜ
 ማኣራፓ ማዔያ ዒሰራዔኤሌ ዓሶኬ።

2 ዬያሮ የኦሲ ቤርታዲ ዶኦሬ ዳሮ" ሐሺ"ባኣሴ፤ ጌኤዠ ማፃኣፓ
 ዔኤሊያሴ ዛሎ" ዎዚ ጌዔቴያ ዒንሢ ጰቂሡዋዓዳ? ሐሣ
 ዒሰራዔኤሌ ዳሮ" ማዳ ባኮ ዎዚ ጌዲ የኦሲም ዒዚ ፑሽኬቴያ
 ዒንሢ ዔሩዋዓዳ?

3 ዓሚ"ና ዔኤሊያሴ፡- «ጎደሢዮ! ኔ ማሊያ ከኤዛዘንሢ ዔያታ
 ዎዳኔ፤ ኔኤም ዒንጎ ባኮ ዒንጊ ካኣሽኮ ቤዘዋ ሻሂም ታኣኒ ሌሊ
 ዓቴ"ኔ፤ ታናኣ ሐሣ ዔያታ ዎዳኒ ኮዓኔ» ጌዔኔ።

4 ጋዓንቱ የኦሲ ዒዛም ማሃዎ፡- «ጎኔ የኦሲ ማዒባኣ፣ ባዓኣሌ
 ጎዎ የኦዘ ካኣሽኪባኣ ላንካይ ሺያ ዓሲ ታኣኮ ዓኣኔ» ጌዔኔ።

5 ሐሢ ማዔቴያ የኦሲኮ ኮሹም ዒንጊያና ዶኦሪንቱ ዳካ"
 ዒሰራዔኤሌ ዓሶ ዓኣኔ።

6 የኦሲኮ ዶኦሪፃ ኮሹም ዒንጊያና ማዔቶ ማዶናቱዋሴ
 ጌይሢኬ፤ ዎንዳ ማዶና ማዔቴ የኦሲኮ ኮሹም ዒንጊያ ኮሹም
 ዒንጊሢ ማዒዲዋያታንቱኬ።

7 ዓካሪ ጋፒንፃ ዓይጎ ማዔይ? ዒሰራዔኤሌ ዓሳ ዔያታ ኮዔ
 ባኮ ዴንቁባኣሴ፤ ዔያቶይዳፓ ዶኦሪንቱዘንሢ ጋዓንቱ ኮዔ ባኮ
 ዴንቁኔ፤ ዓቴ" ዓሳ ጎኩም ዔራኒ ዳንዳዒባኣሴ።

8 ዬይያ ያዲ ማዔሢ፡-

«የኦሲ ዒሮ" ዔያቶኮ ዶጩሴኔ፤

ዬያሮ ሃሮ" ሄላ"ንዳኣና

ዓኣፓ ዔያቶኮ ዴንቁዋሴ፤

ዎያኣ ዔያቶኮ ዎይዙዋሴ»

10:20 ዒሲ. 65፡1። 10:21 ዒሲ. 65፡2። 11:1 ፒሊ. 3፡5። 11:3
 1ካኣቶ". ማ 19፡10፤ 14። 11:4 1ካኣቶ". ማ 19፡18።

ጌይንቲ ፃኣፒንቴሢርኬ።

9 ደውቲ ሐሣ፡-

«ዔያታ ሙዓኒ ቡካ ቤዛ ዓርቃ ፒሮ፤ ሐሣ ሎንሣ ዔቴ ማዒ ዔያቶ ሜታሶንጎ!

10 ዓኣፓ ዔያቶኮ ዴንቁዋጉዲ ዲሞንጎ፤ ጊኢራኣ ዔያቶኮ ሜቶና ቢያ ኬሊ" ዋሶንጎ» ጌዔኔ።

11 ሂንዳ ላሚ ታ ሐሣ ሂዚ ጎዖም፤ ዓይሁዶ ዓሳ ደቢንቴሢ ናንገና ባይቃንዳጉዲዳ? ያዲቱዋሴ! ዓይሁዶ ዓሳ ደቢንቶ ዛሎ"ና ዓይሁዴ ማዒባኣ ዓሳ ደቁንታ ዴንቁኔ፤ ዬይ ያዲ ማዔሢ ዔያታ ዓይሁዴ ማዒባኣ ዓሳ፡- «ዋይቲ ዔያታ ኑጉዲ ማዔይ?» ጋዓንዳጉዲኬ።

12 ዓይሁዶ ዓሳኮ ደቢንታ ዓጮ"ም ሚርጌ ዓንጅ ጴዲሴኔ፤ ሐሣ ዔያቶኮ ባለቲባኣያ ማዒፃ ዓይሁዴ ማዒባኣ ዓሳም ዓንጅ ማዔኔ፤ ዋንዴ ዓይሁዶ ዓሳ ቢያ ደቁያ ማዔቴ ዓንጅ ዋዚ ሚርጋንዳንቴዳይ?

ዓይሁዴ ማዒባኣ ዓሳኮ ደቁንቶ

13 ሐሢ ሐያ ታ ኬኤዛሢ ዒንሢ፡ ዓይሁዴ ማዒባኣ ዓሳምኬ፤ ዒንሢ፡ ዓይሁዴ ማዒባኣ ዓሳም ታ ኬኤዛንዳጉዲ ዳኪንቴሢር ታ ማደ ማደ"ና ዋዛዳኔ።

14 ሐያ ታ ማደሢ ታ ፃጰ ማዔ ዓይሁዴ ዓሳ፡- «ዔያታ ዋይቲ ኑጉዲ ማዔይ?» ጌይሳኒኬ፤ ዬይይዲዖና ጎዖንቴ ዔያቶይዳፓ ፔቴ" ፔቴ"ዘንሢ ታ ደቁሻንዳያ ናንዳኔ።

15 ዖኦሲ ዔያቶ ሃሽ"ሢር ሜሌ" ዓሳ ዖኦሲና ቡካያ ማዔቴ ዖኦሲ ዔያቶ ፔ ዓሲ ማሂ ዔካ ዋዶ"ና ዋዋይታንዳያ ዒንሢም ማላይ? ዬይ ሐይቢዳፓ ዔቁሢጉዴያኬ!

16 ፔቴ" ቆኦር ሙኑቃኮ ካራ"ፓ ዔኪ ዖኦሲም ዲማዴያ ማሆናቲ ሙኑቃ ጉቤ ዖኦሲም ዲማዴያ ማዓኔ። ዬያጉዲ ሃሢ ፔቴ" ሚሢኮ ፃጰ ዖኦሲም ዲማዴያ ማዔቴ ካኣፓኣ ዲማዴያ ማዓኔ።

17 ማኦር ካራ" ቱኮ"ና ሪሚቶ ሚዖኮ ካኣፖ ማዔ ዓይሁዶ ዓሳ ሜቁ ኬዴ" ቤዛ ጌሦና፡ ካዮ ሪሚቶ ካኣፖጉዲ ማዔ፡ ዒንሢ ዓይሁዴ ማዒባኣ ዓሳ ዔያቶም ዒንገንታ ዓንጅ ዒንሢያ ዴንቃያ ማዔኔ።

18 ዬያር ዒንሢ ዓይሁዴ ማዒባኣ ዓሳ ሜቁ ኬዴ" ካኣፖ፡ ዓይሁዶ ዓሳይዳ ዖቶርቁፖቴ፤ ዒንሢ ካኣፒ ሌሊ ማዔሢር ፃጰ

ዲንሢ ኬዲ ዓርቄኔ፤ ዲንሢ ፃጰ ኬዲ ዓርቄባአሢሮ ሄርሺንታንዳያ ዲንሢም ኮይሱቀሱ።

19 ጋዓንቲ፡- «ካኣፓ ማቂ ኬዳ"ሢ ኦኦኒ ዔያቶ ቤዛ ጌላንዳጉዲ ጌይኬ» ዲንሢ ጋዓንዳኣናንዳኔ።

20 ያዲ ዲንሢ ጋዓኒ ጎኔኬ፤ ጋዓንቲ ዔያታ ማቂ ኬዳ"ሢ ኪሪሰቶሴ ጉሙርቁዎዎ ዓቲዖና ማዓዛ ዲንሢ ዶዲ ዲኢካ ዳዔሢ ኪሪሰቶሴ ጉሙርቁዎናኬ፤ ያዲ ማዔሢሮ ዲዒጊጫንዳፓዓቲም ያቶርሙም ዲንሢ ኮይሱቀሱ።

21 ዓይጎር ጌዔቴ ያኦሲ ቤርታ ማዢንቶ ካኣፖ ማዔ፡ ዓይሁዶ ዓሰም ሚጫንቲባኣያ ማዔቴ ዲንሢማኣ ሚጫንታዓኬ።

22 ዓካሪ ያኦሲኮ ሚጫንቶና ሚጫንቶ ዛጉዎቲ፤ ሚጫንቶ ዲዒፃ ዲዛኮ ማቂ ኬዳ"ዘንሢም ማዓዛ፡ ሚጫንቶ ዲ ዲንሢ ሚጫንታኔ፤ ዩያ ዲ ማዳንዳሢ' ዲዛ ጉሙርቁዎና ዶዲ ዲንሢ ሩንጌቲኬ፤ ዶዲባኣቲ ጋዓንቲ ዲንሢያ ማቂ ኬዳ"ንዳኔ።

23 ዓይሁዶ ዓሳ ኪሪሰቶሴ ጉሙርቁዎ ዲዒፃ ሃሺ" ማዔቴ ቤርታ ዔያታ ዓኣ ቤዛ ማማዓንዳኔ፤ ዎይቲ ጌዔቴ ያኦሲ ዔያቶ ቤርታ ዓኣ ቤዛ ማሃኒ ዳንዳዓኔ።

24 ዲንሢ፡ ዓይሁዳ ማዒባኣ ዓሳ፤ ዲንሢ ካዮ ሪሚቶ ካኣፖ ማዒ ዓኣያታዎ ዲንሢኮ ቤዛ ማዒባኣ፡ ቱኮ"ና ሪሚቶ ሚያይዳ ዓይሢንታኒ ዳንዳዔቴ ቱኮ"ና ሪሚቶ ካኣፖ ማዔ ዓይሁዶ ዓሳ ቤርታ ዔያታ ዓኣ ቤዛ ማዓኒ ዎይቲ ዔያቶም ዳንዳዒንቲንዱዎይ!

ዲሰራዔኤሌ ዓሳ ዳቃኒ ዳንዳዓያ ማዒያ

25 ታ ዲሾንሦ! ታ ሚሾንሦ! «ኦ ዔራኬ» ጌይ ሄርሺንቲፖቲ፤ ፔቲ" ዓኣሺንቲ ባኣዚ" ታ ዲንሢም ኬኤዛንዳኔ፤ ዬና ዓይጎዳይ ጌዔቴ ዲሰራዔኤሌ ዓሰኮ ጉሙርቆ ዲዒፃ ጋፒንሢ ሄላ"ንዳኣናቱዋንቲ ዔኤሊ"ንቲ፡ ዓይሁዳ ማዒባኣ ዓሳ ቢያ ያኦሲ ባንሢ ሙካንዳያ ሄላ"ንዳኣናኬ።

26 ዓካሪ፤ ዲሰራዔኤሌ ዓሳ ቢያ ዳቃንዳሢ፡-

«ዳቂሻሢ ዒዮኔፓ ኬሰካንዳኔ፤ ያይቆኦቤ ዜርዎኮ ጎሞ ባይዛንዳኔ፤

27 ጎሞ ታ ዔያቶኮ ባይዛ ዎዶ"ና ዔያቶና ዎላ" ታ ጫኣቃንዳ ጫኣቁማ ያዲኬ» ጌይንቲ ፃኣፒንቲ ጎይዖናኬ።

28 ዲሰራዔኤሌ ዓሳ ኮኩ ሓይሶ ዎይዜዎ ዔኮ ዲዒያና ዲንሢ ዓይሁዳ ማዒባኣ ዓሰም ዳቂንታ ማዓንዳጉዲ ያኦሲኮ ዔያታ

ሞርኬ ማዕኔ። ጋዓንቴ ደኦሪንቴዎ ዛሎ"ታቴ ዔያታ ዓደንሢ
ዛሎ"ና ያኦሲኮ ቢረኖኬ።

29 ያኦሲ ደኦሪ ሐሣ ኮሹሞ ዒንጊዎዎ ዒንጊሢኮ ጊንፃ ዒ ማዳ
ማዳ"ና «ዓይጋ ታ ሂዴይ!» ጌይ ማሉሞሴ።

30 ዒንሢ፤ ዓይሁዴ ማዒባኦ ዓሳ ቤርታ ያኦሲም
ዓይሢንቴሞያኬ፤ ሐሢ ጋዓንቴ ዓይሁዴ ዓሳ ዓይሢንቴባኦ ዛሎ"ና
ያኦሲ ማኦሪዎ ዒንሢ ዴንቄኔ።

31 ያኦሲ ዒንሢ ማኦሪሢ ዔያታ ዛጋዎ ያኦሲም ዓይሢንቴሞያ
ማዕኔ፤ ጋፒንፃ ጋዓንቴ ዒንሢ ማኦሪ ጎይዎ ዔያቶ ማኦሪንዳኔ።

32 ዓይጎሮ ጌዔቴ ያኦሲ ዓሲ ቢያ ማኦሪ ጋዓዎ፣ ዓሲ ቢያ
«ዓይሢንቴሞያኬ» ጌይ ሃሼኔ፤

ያኦሲ ሄርሺሢ

33 ያኦሲኮ ኮሹሞና ሃኦማቶና ሃሣ ዔራቶና
ያኦሲያ ዔራሞያኬ!

ዒ ዎጋ ዎጊፃ «ዎዚሞዳይ?» ጌይንቴሞያኬ፤
ዒ ማዳ ጎይፃኦ ዔርቱሞያኬ!

34 ያኦሲ ማሊሢ ዔራይ ያኦሲያ ባኦሴ፤
ዒ ዛ ዘራ ዓሲያ ባኦሴ፤

35 ታልዎ ማሃንዳጉዲ፣
ዒ ዛሞ ታልዔ ዓሲያ ባኦሴ።

36 ዎይቲ ጌዔቴ ቢያ ባኮ ማኸሢሢ ዒ ዛኬ፤ ቢያ ባኮ ናንጊሻሢያ
ዒ ዛኬ፣ ዒ ዛሞ ናንጋያኬ፤ ናንጊና ቦንቾ ዒ ዛሞ ማዎንጎ፤ ዓኦሚን።

12

ያኦሲም ማዳኒ ናንጎንዶ ጎይሢ

1 ዓካሪ ታ ዒሾንሦ! ታ ሚሾንሦ! ያኦሲ ዎዛሳያ ሃሣ ናንጊና
ባይቁዎ ዒንጎ ባኦዚ" ማሂ ዒንሢ ያኦሲም ዒንሢ ዒንጋንዳጉዲ
ዓቶም ጋዓ ያኦዛሢ ሱንፃና ታ ዒንሢ ሺኢቃኔ፤ ዬይ ዒንሢ ዒንጋኒ
ኮይሳሢ፣ ፒዜ ማዔያ ጎኔና ያኦሲ ካኦሽኪሢኬ።

2 ኮሺ ሃሣ ዎዛሳያ፣ ፓጫ ባኦዚ"ያ ባኦያ ማዔ ያኦሲ ማሊያ
ዒንሢ ዔራንዳጉዲ ዒንሢኮ ዒና" ዓካዲ ላኦሚንቶንጎ፤ ጋዓንቴ
ሐያ ዓጮ" ዓሰኮ ፑርቶ ማሊያጉዲ ማዲፖቴ።

3 ሐሣ፡- «ዒንሢ ፔቴ" ፔቴ"ሢሞ ያኦሲ ዒንጌ ጉሙርቂዎጉዴያ
ሹሌዑሞና ማላንዳፓዓቴም ዒንሢም ኮይሳሢዳፓ ዑሣ ዓኦሢ፤

11:33 ዓ.ሲ. 55፥8። 11:35 ዓ.ዮ. 41፥11። 11:36 1ቆሮ. 8፥6።

ዲንህ ጴጊ ዲ ማሊፖቴ» ጌይ ያኑሲ ታኣም ፔ ኮሹሞና ዲንጌ ጎይዖና ታ ዲንህ ዘራኔ።

4 ኑኡኮ ፔቴ" ፔቴ"ህከ ሀ-ዖይዳ ዲማ ዲማ ቤሲ ዓኣኔ፤ ዬያ ዲማ ዲማ ሀ-ዖኮ ዲማ ዲማ ማዶ ዓኣኔ።

5 ዬያጉዲ ኑኡኒ ማርጌታዖ ኪሪሰቶሴና ኑ ፔቴ" ሀ-ህከ፤ ፔቴ" ሀ-ዖኮ ዲማ ዲማ ቤዘ ኑ ማዔ ጎይዖና ዎላ" ኑ ካኣማያከ።

6 ዬያሮ ያኡሲ ፔ ኮሹሞ ዲንጊዖና ኑም ዲንጌ ዲማ ዲማ ዲንጊዖጉዴያ ኑ ማዶም፤ ኑም ዲንጊንቴህ ያኡሲ ማሊህ ከኤዘህ ማዔቴ ያኡሲ ጉሙርቃ ጎይዖማ ኑ ከኤዘም።

7 ኑም ዲንጊንቴህ ማሌ" ዓሲም ማዲህ ማዔቴ ደዲ ኑ ማዶም፤ ኑም ዲንጊንቴህ ዔርዘህ ታቴ ኮይሳ ጎይዖ ኑ ዔርዘም፤

8 ኑም ዲንጊንቴህ ዓሲ ዘሪህ ማዔቴ ኑ ዘርም፤ ኑም ዲንጊንቴህ ዓሲም ዔኤቤ ዲንጊህ ማዔቴ ዲናፓ ኑ ዲንጎም፤ ኑም ዲንጊንቴህ ዓሲ ዎይሥህ ማዔቴ ደዲ ኑ ዎይሥም፤ ኑም ዲንጊንቴህ ማሌ" ዓሲ ማጨንቴህ ማዔቴ ዎዘና ኑ ማጨንቶም፤

ናሹሞ

9 ናሹማ ዲንህከ ሀ-ህ ማዒባኣ ናሹሞ ማዖንጎ፤ ፑርታ ባኣዚ" ቫኣኪንቴ፤ ኮሺ ባኣዚ" ዲናፓ ማዲዎቴ።

10 ኪሪሰቶሴ ዘሎ"ና ዲንህ ዎሊኮ ጌርሲንህ ሃህ ጌርንህ ማዔህሮ ዎሊ ዲናፓ ናሽኪንቴዎቴ፤ ማሌ" ዓሲ ዲንህ ቦንቻሰካፓ ባሼ ቦንቻኒ ኮዑዎቴ፤

11 ቤልፀሞ ሃሺ"፤ ጉቤ ዲናፓ ጎዳ ዬሱሴም ደዲ ማዲዎቴ።

12 ሐጊ ማዓንዳ ባኮና ዎዘዲዎቴ፤ ማቶ ዎዴና ጊቢ" ዳንዳዑዎቴ፤ ቢያ ዎዴና ሃህ ሺኣቁዎቴ።

13 ኪሪሰቶሴ ጉሙርቃ፤ ዲንህከ ዲሾንህ ማቴቶ ማኣዲ"ዎቴ፤ ሾኦቹ ማዒ ሙካዘንህያ ሾኦቹንህ ዔኩዎቴ።

14 ዲንህ ዲዲ፤ ዳውሳዘንህ ዓንጂዎቴ፤ ዓዓንጃንዳፓዓቴም ዔያቶም ጋዳንቁፖቴ።

15 ዎዘዳ ዓሰና ዎላ" ዎዘዲዎቴ፤ ዬኤካ ዓሰና ዎላ" ዬኤኩዎቴ፤

16 ዎላ" ፔቴ" ማሊህና ጊኢጊ ናንጉዎቴ፤ ዲንህ ቶኦኮ" ጴጊሲ ያቶርቁህ ሃሺ"፤ ማንቆ ዓሰና ዎላ" ፔቴ" ማዑዎቴ፤ * «ታጊዳፓ ማሌ" ዔሮ ባኣሴ» ጌይፖቴ።

12:5 1ቆር. 12፡12። 12:8 1ቆር. 12፡4-11። 12:14 ማተ. 5፡44፤ ሉቃ. 6፡28። * 12:16 ማንቆ ዓሰና ዎላ" ፔቴ" ማዑዎቴ፡- ጌይያ «ቦህንታ ማዶ ማዲኒያ ናሽካያ ማዑዎቴ» ጌይህከ። 12:16 ኮኦኪ. 3፡7።

17 ዓሲ ሲያም ኮሺ ባአዚ" ማዲዎቲ፤ ዓሲ ፑርታ ባአዚ" ዒንሢም ማዲቲ ዒንሢም ፑርታ ባአዚ" ማሂ ማዲፖቲ።

18 ዒንሢም ዳንዳዒንታያ ማዕቴ ዓሲ ሲያና ኮሹሞና ናንጋኒ ዒንሢ ማዲንዳያ ኮይሳ ባአዚ" ሲያ ማዲዎቲ።

19 ታ ዒሹንሦ! ታ ሚሹንሦ! ኮሜ ያኦሲም ሦሹ"ዎቲ፤ ዒንሢሮ ኮሜ ዔኪፖቲ፤ ዓይጎር ጌዔቲ ያኦሲ:- «ኮሞ ማሃንዳሢ ታናኬ» ጋዓኔ ጌይንቲ ፃኦፒንቲሢሮኬ።

20 ዬያሮ ኮሜ ማሃሢዳፓ:-

«ኔኤኮ ሞርካሢ ናይዳቲ

ዒዛ ሙኡዜ፤

ዴኤቤቲያ ዒዛ ዑሼ፤

ዬያ ኔ ሂዳቲ ዒ ማዴ ማዳ"

ዴኤፒ ዳቢንቲ ማዕሢ ዒዛም ዔርታንዳኔ።»

21 ዬያሮ ፑርታ ማዴ ኮሹሞና ባባሼ፤ ፑርቲሞና ባሺንቲፖ።

13

ዓጮ" ዎይሣ ዓሰም ዓይሢንታኒ ኮይሳሢ

1 ዓይጎ ቢታንቶዎ ማዎም ዒንገንታሢ ያኦሲ ማለሢና ማዕሢሮ ሐሢ ዓኣ ዎይሣ ዓሰሞ ደኦሬሢ ያኦሲታሢሮ ዓሲ ሲያ ዎይሣ ዓሰም ዓይሢንታንዳያ ኮይሳኔ።

2 ዬያሮ ዓጮ" ዎይሣ ዓሰም ዓይሢንቶ ዒፃሢ ሲያ ያኦሲ ዓይሢዎዎ ዒፃያኬ፤ ዓይሢንቶ ዒፃሢ ፔ ቶኦካ ሜቶ ዔኪ ሙካንዳኔ።

3 ዎይቲ ጌዔቲ ዓጮ" ዎይሣ ዓሳ ዒጊቻሢ ፑርቶ ማዳዘንሢ ማዕንዳኦፓዓቲም ኮሺ ማዳዘንሢቱሞሴ፤ ዓጮ" ዎይሣ ዓሰ «ዒጊጫዓ» ኔ ጋዓ? ሂዳያታቲ ኮሺ ባአዚ" ማዴ፤ ዎይሣ ዓሳ ኔና ጋላታንዳኔ።

4 ዓጮ" ዎይሣ ዓሳ ኔኤም ኮሺ ማዳንዳጉዲ ያኦሲ ደኦሬም ማዳያኬ፤ ዓጮ" ዎይሣ ዓሳ ዓንጋሞ ዓርቃሢ ጉጋቲዎኦሢሮ ፑርታ ኔ ማዳያ ማዕቴ ዓጮ" ዎይሣ ዓሰ ዒጊጩ፤ ዒዚ ፑርታ ማዳ ዓሰ ዓርቁ ሜቶ ሄሊ"ሳንዳጉዲ ያኦሲ ጌሢያ ዒዛኮ ዓንጋሞኬ።

5 ዬያሮ ዓጮ" ዎይሣ ዓሰም ዓይሢንታንዳያ ዒንሢ ኮይሳኔ፤ ዒንሢ ዓይሢንታንዳሢ ያኦሲ ዒንሢዳ ዔኪ ሙካንዳ ጎሪ"ንቶሮ ሌሊቱሞንቲ ዒና" ዒንሢኮ ዬያይደንደሢ ዔራያታሢሮኬ።

12:19 ላሚ. ዎማ 32፣35። 12:20 ኮኦኪ. 25፣21-22።

6 ዓካሪ ገዲራ ዒንሢ ጨጋሢ ዬያሮኬ፤ ዓጮ" ዎይሣ ዓሳ ዬያ ማዲሻንዳጉዲ ያኦሲ ጌሤዘንሢኬ።

7 ዬያሮ ዓጮ" ዎይሣ ዓሰ ዛሎ"ና ዒንሢዳፓ ኮይንታ ባኮ ቢያ ኩንሠቀቴ፤ ገዲራ ኮይሳሢም ገዲራ፥ ሻንቾ ባኮ ዛሎ" ጨሳሢታቴያ ጨገቀቴ፤ ዒገጨንታኒ ኮይሳሢ ዒገጨቆቴ፤ ቦንቻኒ ኮይሳሢያ ቦንቾቀቴ።

ዎሊ ናሽከሢ

8 ዒንሢ ዎሊ ሴካና ሃንጋና ናሽኩቀቴ፤ ያ ገዳ"አ ዒንሢኮ ናሽቆ ጋሌ ባአያ ማዎንጎ፤ ዓይሳሮ ጌዔቴ ዓሲ ናሽካሢ ዎሳ ኩንሠኔ ጌይሢኬ።

9 «ማቾ ሃሣ ዓኒ ማዒ ባአያና ላሂፖ፤ ዓሲ ዎዲፖ፤ ዉኡቁፖ፤ ዓሲሮ ማዔ ባአዚ" ዓይሳቀ ዛገ ሱኡካዲፖ» ጋዓ ዓይሢዎንታ ሃንጎ ዓይሢፃአ ቢያ «ዓሲ ቢያ ኔና ማሂ ናሽኬ» ጋዓ ዬኖ ፔቴ" ዓይሢያ ዎጌሎ ጋራ ማዓኔ።

10 ዓሲ ናሽካሢ ቢያ፡ ዓሲም ፑርታ ባአዚ" ማዲቀሴ፤ ዬያሮ ዓሲ ናሽካሢ ዎሳ ቢያ ኩንሠኔ ጌይሢኬ።

11 ዓካሪ ገንዓሰካፓ ዒንሢ ጴጫንዳ ዎዳ" ሄሌ"ሢ ዔሪጋፓ ዬያ ቢያ ማዲቀቴ፤ ዓይሳሮ ጌዔቴ ቤርታ ኦኦኒ ኪሪሰቶሴ ጉሙርቁ ዎድ"ይዳፓ ባሼ ሃሢ ኦኦኩ ዳቁንቶ ኬላ" ኦ ባንሢ ኮሺ ዑኬኔ።

12 ዲማ ካራኒ ማዔሢሮ ዲሞ ማዲ" ሃሺ"። ፖዎኮ ዓአ ያሎ ዓንጋሞ ኦ ዓርቆም።

13 ሮኦሪና ሃንታ ዓሲጉዲ ዔሪ፥ ኮይሳ ናንገ ኦ ናንጎም፤ ኮይሱቀ ኮሢና ማሢንቲሢና፥ ማቾ ሃሣ ዓኒ ማዒ ባአያና ላሂሢ፥ ላአሊ ዓርቃኒ ኮዒ ዑሢ ዓርቁ ዓማሊ"ሢ፥ ማርሞና ፑርታ ቁኢራሞቀ ኦ ሃሽ"ም።

14 ዬያይዳፓ ጎዳ ዬሱሰ ኪሪሰቶሴና ዎላ" ፔቴ" ማዑቀቴ፤ ዒንሢኮ ጎሞ ማሊያቀ ኩንሠኒ ማሊፖቴ።

14

ኮይሱቀ ጎይሢና ዓሲዳ ዎጋንዳያ ኮይሱቀአሢ

1 ዒንሢ ባአኮ"ይዳ ኪሪሰቶሴ ጉሙርቁያና ደዲቱቀ፥ ላቤ" ዓሲ ዓአቶ ናሽቆና ዒዛ ዓዓርቁቀቴ፤ ኮይሱቀ ጎይሢና ዒዛኮ ላቤ" ማሊያይዳ ዎገፖቴ፤

13:6 ማቴ. 22፥21፤ ማር. 12፥17፤ ሉቃ. 20፥25። 13:9 ኬሲ. ማፃ 20፥13-15፤ 17፤ ላሚ. ዎማ 5፥17-19፤ 21፤ ሉቂ. ዓኬ 19፥18።

2 ፔቴ" ዓሲኮ ጎሙርቁፃ፡- «ቢያ ባአዚ" ሙይንታኒ ኮይሳያኬ»
ጋዓያ ማዓኒ ዳንዳዓኔ፤ ኪሪሰቶሴ ጉሙርቁፃና ዶዲባአሂ ጋዓንቴ
ሙዓኒ ቱኮ"ናያ ሃሃ ዜርቆና ሳአሚ ሌሊ ሙዓያ ናንዳኔ፤

3 ዬያሮ ጉቤ ባኮ ሙዓሂ ሙዑዋአሂ ቦሆፓ፤ ቱኮ" ባኮ
ሙዓሂ ጉቤ ባኮ ሙዓሂ ዑፃ ኮይሱዋ ጎይሂና «ዳቤኔ» ጌይ
ዋጎፓ፤ ዋይቲ ጌዔቴ ዒዛሲያ ፆኦሲ «ኮሺኬ» ጌዔሂረኬ።

4 ዓካሪ ሜሌ" ዓሲም ማዳሂ ዑፃ ዋጋንዳያ ኔኤም ኮይሱዋሴ፤
ዓይጎሮ ጌዔቴ ዒዚ ሎኦሜቴያ ዔቄቴያ ዒዛኮ ጎዳ ዔራፓአዓቴም
ኔ ባአዚ" ቱዋሴ፤ ዒዛኮ ጎዳሂ ዒዛ ዔቁሳኒ ዳንዳዓሂረ ዶዲ ዒ
ዔቃንዳኔ።

5 ዬያጉዲ ሃሃ፡- «ፔቴ" ኬላ" ባጎ ኬላ"ፓ ባሺ ቦንቺንታያኬ»
ጌይ ማላይ ናንዳኔ፤ ባጋሂ ሓሃ፡- «ቢያ ኬላ" ሄኮ ቦንቺንታኒ
ኮይሳኔ» ጌይ ማላይ ናንዳኔ። ዓካሪ ዬያጉዳ ባኮ ቢያይዳ ፔቴ"
ፔቴ"ሂ ፔ ማላያ ዲማሲ ዔራንዳያ ኮይሳኔ።

6 ፔቴ" ኬሎ" ሜሌ" ኬላ"ፓ ባሺ ማሂ ቦንቻያ ዓአቶ ዬያ ዒ
ማዳሂ' ጎዳ ቦንቻም ጌዒኬ፤ ቢያ ባኮ ሙዓሂ ጎዳ ቦንቻም ጌዒ
ሙዓኔ፤ ሙዓ ሙዖሮዋ ፆኦሲ ዒ ጋላታኔ። ቢያ ሙዖ ሙዑዋአሂያ
ፆኦሲ ቦንቻም ጌዒ ሙዑዋሴ፤ ዒ ሙዑዋዖ ሃሺ"ዖና ፆኦሲ
ጋላታኔ።

7 ኑጊዳፓ ዖና ማዔቴያ ፔኤሮ ናንጋያና ፔኤሮ ሓይቃይ ባአሴ፤

8 ኑኡኒ ናንጌቴያ ጎዳ ዬሱሴም፣ ሓይቄቴያ ጎዳ ዬሱሴምኬ፤
ዬያሮ ኑ ናንጌቴያ ሓይቄቴያ ጎዳ ዬሱሴሮኬ።

9 ዓይጎሮ ጌዔቴ ኪሪሰቶሴ ሓይቄ ሓይባ"ፓ ዔቄሂ' ሸምፖና
ናንጋ ዓሰና ሓይቄቴያ ናንጊና ናንጋ ዓሰኮ ጎዳ ማዓኒኬ።

10 ሂዳቴ ፔቴ"ይ ሜሌ"ሂ ዑፃ ዓይጎሮ ኮይሱዋ ጎይሂና ዋጋይ?
ሃሃ ፔቴ"ሂ ባጋሂ ዓይጎሮ ቦሃይ? ኑኡኒ ቢያሂ ፆኦሲ' ዋጎ ዋጋ
ቤዘ ሺኢካንዳኔ፤

11 ዋይቲ ጌዔቴ ጎዳ፡-

«ታኢ ናንጊና ባይቁዋ ፆኦሲኬ፤

ዓሲ ቢያ ታ ቤርታ ጉምዓቲ

ፔ ዳንጎና ታኢ ፆኦሲ ማዔሂ ማርካዳንዳኔ»

ጋዓኔ ጌይንቲ ፃኣፒንቴሂረኬ።

12 ዬያሮ ኑ ፔቴ" ፔቴ"ሂ ኑ ማዳ" ዛሎ" ፆኦሲ ቤርቶ ሺኢኪ
ኬኤዛንዳኔ።

ዓሲም ዲቆ ማዔሂ ኮይሱዋያታሂ

13 ዓካሪ ኑጊዳፓ ፔቴ"ይ ባጋሢዳ ኮይሱዋ ጎይሢና ዋጊያ ሃሾ"ንጎ፤ ሓሣ ዓሲ ዲቁሲ ጎማሲሳ ባአዚ" ማዲሢዳፓ ካፒንቶንጎ።

14 ጎዳ ዬሱስ ኪሪስቶስ ዓሲ ታ ማዔ ጎይያና ሙኡዚዳ ሙይንታኒ ኮይሱዋ ሙኡዚ" ባአሢ ታ ዔሪኔ፤ ጋዓንቴ ፔቴ" ዓሲ ፔቴ" ባአዚ" «ሙይንታኒ ኮይሱዋ ባአዚ"ኬ» ጌዒ ማለያ ማዔቴ ዬና" ባኬላ ዒዛም ሙይንታኒ ኮይሱዋ ባአዚ"ኬ።

15 ሙኡዚ" ዛላና ኔ ዒሻሢ ኔ ማሊሺ ያዩሳያ ማዔቴ ናሹዋና ዒዛና ኔ ናንጋያቱዋሴ፤ ዬያሮ ኪሪስቶስ ዒዛም ሓይቄ ዓሢ፥ ኔ ሙዓ ሙያ ዛሎ"ና ጎማሲ ባይዚፖ።

16 ዓካሪ ዒንሢም ኮሺ ማዔ ባኮ ሜሌ" ዓሳ ቦሃንዳጉዲ ማሂፖቴ።

17 ያኦሲ ካአቱማ ዓያና ጌኤሺ ዛሎ"ና ጴዳ ዒሎ"ዋ፥ ኮሹዋና ዋዛና ማዓንዳአፓዓቱም ሙኡዚ"ና ዑሺና ዛላ ባአዚ"ቱዋሴ።

18 ዬያ ዲማሲ ዔሪ ኪሪስቶስም ማዳ ዓሲ ያኦሲ ዋዛሳንዳኔ፤ ዓሲ ቤርቲዳኦ ጋላቲንቴያ ማዓንዳኔ።

19 ዬያሮ ኮሹዋ ጴዳያ፥ ሓሣ ዋሊያ ሴካና ሃንጋና ዶዲሻያ ማዔ ባአዚ" ኑ ማደም።

20 ሙኡዚ" ዛላና ያኦሲ ማደ" ኑ ባይዚባአቴ ኮሺኬ፤ ሙኡዚ" ቢያ ሙይንታኒ ኮይሳያኬ፤ ጋዓንቴ ሜሌ" ዓሲ ዲቁ ጎማሲሳ ሙኡዚ" ሙዒሢ ደቢንቴኬ።

21 ዓሲ ዲቁ ደቢሻ ባአዚ" ማዔቴ ዓሽከ ሙዒሢንታ ዳጋሢ ዑሺንታ ሃሣ ዬያጉዳ ሜሌ" ባኮዋ ሃሺ"ፃ ቃራኬ።

22 ዓካሪ፤ ዬያ ኔኤኮ ጉሙርቂያ ኔኤና ያኦሲና ሌሊ ዔራያ ማፖንጎ፤ ዓይጎሮ ጌዔቴ «ፒዜኬ» ጌይ ዒ ማዳ ባኮ ዒና" ዒዛኮ «ኔ ዳቤኔ» ጎዑዋ ዓሲ ጋላቲንቴያኬ።

23 ሙኡዚ" ዓልቲ ዓልቲ ሙዓ ዓሲ ጋዓንቴ ጉሙርቂሢና ዒ ሙዑዋአሢሮ ያኦሲ ዒዛይዳ ሜቶ ሄሊ"ሳንዳኔ፤ ዋይቲ ጌዔቴ ጉሙርቂሢና ማዲንቲባአ ባአዚ" ቢያ ጎሜኬ።

15

ዓሲ ዋዛሳኒ ኮይሳያ ማዒያ

1 ኑኡኒ ኪሪስቶስ ጉሙርቂያና ዶዲ ማዔ ዓሳ ጉሙርቂያና ላቤ" ዓሶኮ ላቤ"ያ ዔሪ ማኦዳ"ያ ማዓንዳአፓዓቱም ኑና ኑ ዋዛሳያ ማዓኒ ኮይሱዋሴ፤

2 ኑኡኒ ፔቴ" ፔቴ"ሢ ሜሌ"ሢ ያኦሲ ጉሙርቂያና ዶዳንዳጉዲ ሜሌ" ዓሢ ማኦዳ"ኒ ዒዛ ዋዛሳ ባአዚ" ኑ ማደም።

3 ዓይጎር ጌዔቴ ኪሪሰቶሴ ፔና ዋዛሲባኣሴ፤ ጋዓንቴ «ኔና ጫሽኮና ጫዠ ታና ሄሌ"ኔ» ጌይንቴ ፃኣፒንቴህሂ ዒዛይዳ ማዔፎ።

4 ጌኤዠ ማፃኣፓፓ ኑ ዴንቃ ጊቢ" ዳንዳዒያና ደዲያና ሃጊ ማዓንዳ ዋዛ ኑኡኮ ዓኣያ ኑና ማሃንዳጉዲ ቤርታዲ ፃኣፒንቴ ባካ ቢያ ዔራቶ ኑ ዴንቃንዳጉዲ ኑም ፃኣፒንቴ።

5 ዒንህሂ ዩሱስ ኪሪሰቶሴ ጊንፆ ሃንታዘንህሂ ማዔህረ ጊቢ" ዳንዳዒህረና ደዲህረና ዒንጋ፣ ጎዳ ፔቴሞ ዓያና ዒንህሂም ዒንጎንጎ።

6 ዩይ ኑ ጎዳ ዩሱስ ኪሪሰቶሴኮ ዓዶ ማዔ ፆኦዛህ * ፔቴ" ዒናና ፔቴ" ዑኡሲና ዒንህሂ ዒዛ ቦንቻንዳጉዲ ማሆንጎ።

ዓይሁዴ ማዒባኣ ዓሶም ኬኤዚንቴ ኮዠ ሓይሶ

7 ኪሪሰቶሴ ዒንህሂ ቦንቹ ዔኬህሂጉዲ ዒንህሂያ ዋሊ ፆኦሲ ቦንቹም ጌዒ ቦንቹዋቴ።

8 ሓይ ታ ኬኤዛህ ቤርታ ኑ ዓዶንህሂም ዒንጊንቴ ሃጊ ማዓንዳ ዋዛ" ኩማንዳጉዲና ፆኦሲኮዋ ጉሙርቂንቴፃ ዔርታንዳጉዲ ኪሪሰቶሴ ዓይሁዴ ማዒባኣ ዓሶም ማዳያ ማዔፎ ጌይኬ።

9 ኪሪሰቶሴ ዓይሁዴ ማዒባኣ ዓሶም ማዳያ ማዔ ሜሌ" ጎይፃ ዓይሁዴ ማዒባኣ ዓሳ ፆኦሲኮ ማኣሪፆ ዛሎ" ጋላታንዳጉዲኬ፤ ዩይያ፡-

«ዓይሁዴ ማዒባኣ ዓሶ ባኣካ" ታ ኔና ጋላታኔ፤

ኔ ሱንፆዋ ዓይኑሞና ታ ጋላታኔ»

ጌይንቴ ፃኣፒንቴህሂጉዲኬ።

10 ሓህ፡-

«ዒንህሂ ዓይሁዴ ማዒባኣ ዓሳ

ፆኦሲ ዶኦሬ ዴሮ"ና ዋላ" ዋዛዲዋቴ»

ጌይንቴ ፃኣፒንቴ።

11 ላሚ ሃህ፡-

«ዓይሁዴ ማዒባኣ ዓሳ ቢያ ፆኦሲ ጋላቴዋቴ፤

ዴራ"ኣ ቢያ ፆኦሲ ጋላቴዋቴ»

ጌይንቴ ፃኣፒንቴ።

12 ዩያጉዲ ዒሲያሴ፡-

«ዴሮ" ቢያ ዑፃ ካኣታዳንዳያ

ዒሴዩ ዜርፃፓ ሾይንታንዳኔ፤

ዒዛይዳ ዓይሁዴ ማዒባኣ ዓሳ

15:3 ዓይኑ. 69፡9። * 15:6 ዓዶ ማዔ ፆኦዛህ ጋዓዙ፡- ዓኮ ጫኣቁሞ ማፃኣፓ ቤርታዲ ፃኣፒንቴ ጊሪኮ ሙኤጮና «ዩሱስ ኪሪሰቶሴኮ ፆኦዛህና ዓዳህረና ጋላቴንቶንጎ» ጋዓኔ። 15:9 2ሳሙ. 22፡50፤ ዓይኑ. 18፡49። 15:10 ላሚ. ዋማ 32፡43። 15:11 ዓይኑ. 117፡1።

ሃጊ ማዓንዳ ዎዛ ጌሣንዳኔ»

ጌዔኔ።

13 ዒንሢኮ ሃጊ ማዓንዳ ዎዛ" ዓያኖ ጌኤዡ ዎልቆና ዲጩ ዲጩ ዓኣጳንዳጉዲ ሃጊ ማዓንዳ ዎዛ ዒንጋ፣ ጎዳ ዒንሢ ጉሙርቄሢሮ ዎዛና ኮሹሞና ሚርጊሺ ዒንሢም ዒንሳም።

ጳውሎስ ጫርቂሲ ፃኣፒሴ ባኮ

14 ታ ዒሺንሦ! ታ ሚሸንሦ! ሚርጌና ዒንሢ ኮሺ ማዔሢ ሃሣ ሚርጌና ዒንሢ ዔራያ ማዔሢና ፔቴ" ፔቴ"ሢ ማሌ"ሢ ዘራኒ ዳንዳዓያ ማዔሢ ጎኔና ታ ዔሬኔ።

15 ፔቴ" ፔቴ" ባኣዚ" ታ ዒንሢም ጳቂሢ ኮዒ ሃያ ኪኢቶ" ጫርቂ ታ ዒንሢም ፃኣፔሢ' ፆኦሲ ታኣም ፔ ኮሹሞና ዒንጌ ጎይፆናኬ።

16 ዬይ ኮሹሞ ዒንጊፃ ታኣም ዒንጊንቴሢ ፆኦሲ ኮኩ ሓይሶ ዓይሁዴ ማዒባኣ ዓሰም ቄኤሴ ማዒ ኬኤዚ፥ ዬሱስ ኪሪሰቶሴም ማጳንዳጉዲ ኬ፤ ዬያሮ ዓይሁዴ ማዒባኣ ዓሳ ዓያና ጌኤሺና ፆኦሲም ዲማጳያ ሃሣ ፆኦሲ ዎዛሳያ ማዓ ፆኦሲም ዒንሳ ባኣዚ" ማዒ ዒንጊንታንዳጉዲ ታ ማጳኔ።

17 ታኣኒ ዬሱስ ኪሪሰቶሴና ማዒ ፆኦሲም ማጳኒ ዳንዳዒፆና ፆቶርቃኔ።

18 ታኣኒ ፆቶርቃሢ ታ ኬኤዛ ባኮና ማጳ ማጳ" ዘሎ"ና ዓይሁዴ ማዒባኣ ዓሳ ፆኦሲም ዓይሢንታንዳጉዲ ኪሪሰቶሴ ማሃሢሮ ሌሊኬ፤

19 ዬያጉዲ ሃሣ ኪሪሰቶሴ ፆኦሲ ዎልቄና ማጳንታ ዓኪ ማጳንታ ዲቃሣ ማጳዎ ዓያኖ ጌኤዡ ዎልቆና ማጳ ዓይሁዴ ማዒባኣ ዓሳ ዓይሢንታንዳጉዲ ማሃሢሮ ታ ፆቶርቃኔ፤ ዬያይዲፆና ዬሩሳሌሜይዳፓ ዴንዲ ዔልዎሪቆኔ ሄላ"ንዳኣና ሓንቲ ሓንቲ ኪሪሰቶሴ ኮኩ ሓይሶ ታ ኬኤዜኔ።

20 ቢያ ኬሊ" ታ ማላሢ ማሌ" ዓሲ ቦኦኮልቄያይዳ ማዢሢ ማዒባኣንቴ ኪሪሰቶሴ ኮኩ"ንፃ ዎይዚንቲባኣ ቤሰካ ቢያ ኮኩ ሓይሶ ኬኤዛኒኬ።

21 ዬያ ታ ማጳሢ፡-
«ዒዛ ዘሎ" ኬኤዚንቲ ቤቂባኣ ዓሳ፥

ዒዛ ዘጋንዳኔ፤
ዒዛ ዘሎ" ዎይዚ ቤቂባኣ ዓሳኣ

ጳቂሢ ዔራንዳኔ»
ጌይንቲ ፃኣፒንቴ ጎይፆናኬ።

ጳውሎስ ሮሜ ዓጮ" ዓኣጳኒ ማሌሣ

22 ሃሮ" ሄላ"ንዳኣና ዒንሣ ከይላ" ታ ሙካኒ ዳንዳዒባኣሣ ታ ዒንሣም ከኤዜ ጎይዖና ገኢገባኣሣርከ።

23 ሐሣ ታ ሃካ ዓኣ ማዶ" ኩርሴሣሮ ሃሣ ሚርጌ ለዔፓ ዓርቂ ዒንሣ ዛጋኒ ሚርጌና ታ ኮዓሣሮ።

24 ዒሰፔኔ ዓጮ" ታ ዴንዳዖ ዒንሣያ ዒኢና ዛገ ዓኣጳኒ ማሌኔ።

ዒኢካ ጳካ" ዒንሣና ዎላ" ታ ዴዔሰካፓ ጎይዖ ታ ዓኣጳንዳጉዲ ታኣም ኮይሳ ማኣዶ ዒንሣ ማኣዳ"ንዳሣ ታ ጉሙርቃ።

25 ሐሣ ጋዓንቴ ኪሪሰቶሴ ጉሙርቃ ዓሰም ዒንገንታ፥ ማኣዶ ሚኢሹ ዔኪ ዩሩሳላሜ ታ ዴንዳኔ፤

26 ዓይጎሮ ጌዔቲ ሜቁደኒያና ዓካይያ ጌይንታ ዓጮ"ይዳ ዓኣ ኪሪሰቶሴ ጉሙርቃ ዓሳ ዩሩሳላሜይዳ ዓኣ ኪሪሰቶሴ ጉሙርቃ ዓሰ ባኣካ" ዓኣ ማንቆ ዓሰም ሚኢሹ ማኣዶ ዳካኒ ማሌሣርከ።

27 ሐያ ማኣዳሣ ዔያታ ፔ ማሊሣና ዒንጌሣ" ዔያቶ ኮይሳያ ማዔምከ፤ ዎይቲ ጌዔቲ ዓይሁዴ ማዒባኣ ዓሳ ዓይሁዴ ዓሰና ዎላ" ዓያኖ ዓንጅ ዴንቃያ ማዔሣሮ ዓይሁዴ ማዒባኣ ዓሳ ሳዖ ዓንጅ ዒንገ ሳይሁዴ ዓሰ ማኣዳ"ኒ ኮይሳሣርከ።

28 ዩያሮ ሃያ፥ ቡኩሶና ማኣዳሣ ሚኢሹ ዩሩሳላሜ ዔኪ ዓኣጳ ታ ዒንጌሣኮ ገንፃ ዒሰፔኔ ዓጮ" ዴንዳዖ ዒንሣ ዩማና ታ ዛጋንዳኔ።

29 ዒንሣ ከይላ" ታ ሙካኣና ኪሪሰቶሴ ዛሎ"ና ማዓ ዓንጅ ሚርጌና ታ ዒንሣም ዔኪ ሙካንዳሣ ጉሙርቃ።

30 ታ ዒሹንሦ! ታ ሚሹንሦ! ታ ዛሎ" ታኣና ዎላ" ዶዲ ያኦሲ ሺኢጲሣና ታና ዒንሣ ማኣዳ"ንዳጉዲ ኑ ጎዳሣ ዩሱሰ ኪሪሰቶሴና ዓያኖ ጌኤዦናኮ ናሹሞና ታ ዒንሣ ሺኢቃ።

31 ዒንሣ ታኣም ሺኢቃንዳሣ' ዩሁዴ ዓጮ"ይዳ ዓኣ ኪሪሰቶሴ ጉሙርቁዎ ዓሰይዳፓ ያኦሲ ታና ካፓንዳጉዲና ዩሩሳላሜይዳ ታ ማዳንዳ ማዶ" ኪሪሰቶሴ ጉሙርቃ ዓሰ ዎዛሳንዳጉዲከ።

32 ሐሣ ያዶ ማዒሣኮ ገንፃ ያኦሲ ማሊሣ ማዔም ዒንሣ ከይላ" ታ ዎዛና ዩዒ፥ ዒንሣና ዎላ" ዴዒ ሃውሻንዳጉዲከ።

33 ኮሹሞ ዒንጋ፥ ያኦዛሣ ዒንሣ ቢያሣና ዎላ" ማዖንጎ፤ ዓኣሜን።

16

ጳውሎስ ዳኬ ሳራሣያ

1 ከንክሪያ ካታዎይዳ ዓኣ ሺኢጲያ ማኣራ ማዳ ኑ ሚሹሎ ፔቤኔ ዛሎ" ታ ዒንሢ ሺኢቃኔ፤

2 ዒዛ ታናንታ ሜሎ" ሚርጌ ዓሲ ማኣዳ"ያ ማዔሢሮ ያኦሲ ዓሲ ሾኦቹንሣኒ ኮይሳ ጎይያና ጎዳ ሱንያና ሾኦቹንሣኒ ዔኪ ዒዛዎ ኮይሳ ባኮና ቢያ ዒንሢ ዒዛ ማኣዳ"ንዳጉዲ ታ ዒንሢ ሺኢቃኔ።

3 ዬሱስ ከሪሰቶሴም ማዲያና ታኣና ዎላ" ፔቴ" ማዔ፥ ጲርሰቁላና ዓቁላናም «ኮሺዳ?» ጌዔኔ ጎውዋቴ፤

4 ዔያታ ታ ዛሎ"ሮ ሓይቃኒያ ጌዔ ዓሲኬ፤ ዬያሮ ቢያ ዎዴ ታ ዔያቶም «ያኦሲ ዒንጎም» ጋዓኔ፤ ዬያ ታ ሌሊቱዋንቴ ዓይሁዴ ማዒባኣ ከሪሰቶሴ ጉሙርቃ ሺኢጲያ ማኣሮ ዓሳኣ ጋዓኔ።

5 ሓሣ ዔያቶ ማኣሮይዳ ሺኢቃኒ ቡካ፥ ከሪሰቶሴ ጉሙርቃ ዓሰም፤ ዒሲያ ዓጮ"ይዳፓ ቤርታዲ ከሪሰቶሴ ጉሙርቁያ፥ ታ ዒዛ ናሽካ ዔፖኖቶሴም «ኮሺዳ?» ጋዓኔ፤ ጎውዋቴ።

6 ዒንሢም ሚርጌና ላቤ" ማይራምማኣ «ኮሺዳ?» ጌዔኔ፤ ጎውዋቴ።

7 ሃሣ ታኣና ዎላ" ቱኡቴዘንሢንታ ያኦሲ ማዶ"ም ዳከንቴዘንሢ ባኣካ" ዔርቴያ ዓይሁዴ ማዔ፥ ታ ዒጊኖንሢ፥ ዓንዲሮኒቆሴና ዩኒያሴናም «ኮሺዳ?» ጎውዋቴ። ዔያታ ከሪሰቶሴ ጉሙርቁያና ታና ቢራያኬ።

8 ጎዳ ሱንያና ታ ናሽካ ዓንፒሊያቶሴማኣ «ኮሺዳ?» ጌዔኔ፤ ጎውዋቴ።

9 ከሪሰቶሴ ማዶ" ማዲያና ኑኡና ዎላ" ፔቴ" ማዔ፥ ዑርባኖሴና ታኣኒ ናሽካ፥ ዒሰፃኩሴናም «ኮሺዳ?» ጋዓኔ፤ ጎውዋቴ።

10 ከሪሰቶሴ ዒ ጉሙርቃሢ ዛጊንቴ ዔርቴም «ጎኔኬ» ጌይንቴ፥ ዓፒሊሴም ሃሣ ዓርዳቡሎሴ ማኣሮ ዓሰፓ ማዔዘንሢ ማ «ኮሺዳ?» ጌዔኔ፤ ጎውዋቴ።

11 ዓይሁዴ ዓሲ ማዔ፥ ታ ዒጊናሢ ሄርዲዮኔም፤ ሃሣ ጎዳ ጉሙርቃ ናርሴሴ ማኣሮ ዓሰማኣ «ኮሺዳ?» ጌዔኔ፤ ጎውዋቴ።

12 ጎዳ ማዶ" ማዲ ላባ" ቱሩፓይናና ቱሩፖሶ ጌይንታ ላኣሎንሢም፤ ሓሣ ሚርጌና ላቤ" ማዶ፥ ከሪሰቶሴ ሱንያና ታ ናሽካ ፒሪሲሳ ጎያዜሎም «ኮሺዳ?» ጌዔኔ፤ ጎውዋቴ።

13 ጎዳ ማዶ" ማዲያና ዔርቴ ሩፖሴም ሓሣ ታና ፔናጉዲ ማሃ ናሽካ ዒዛኮ ዒንዶማኣ «ኮሺዳ?» ጌዔኔ፤ ጎውዋቴ።

14 ዓሰኪራቶሴና ፒሌጎጾኔናም፣ ሄርሜሴም፣ ፓትሮባሴም፣ ሄርማሴም ሐሣ ዔያቶና ዋላ" ዓኣ ኪሪሰቶሴ ጉሙርቃ ዒሾንሢንታ ሚሾንሢንታም «ኮሺዳ?» ጌዔኔ፤ ጎውዋቱ።

15 ፒሎጎሴም፣ ዩሊያም፣ ኔሪያና ዒዛኮ ጌርናም ሐሣ ጾሎምሴና ዒዛና ዋላ" ዓኣ ኪሪሰቶሴ ጉሙርቃዘንሢንታም ቢያ «ኮሺዳ?» ጌዔኔ፤ ጎውዋቱ።

16 ዋሊኮ ጌርሲንሢንታዲ፣ ናሹሞና ዋሊ ሄርቂ ዔኤሊ"ንቱዋቱ። ኪሪሰቶሴ ጉሙርቃ ሺኢጲያ ማኦር ዓሳ ቢያ ዒንሢ «ኮሺዳ?» ጋዓኔ።

ጳውሎሴኮ ጋፒንያ ዘሮ"

17 ታ ዒሾንሢ! ታ ሚሾንሢ! ዒንሢኮ ባኣካ" ዒንሢ ዲማሳያና ዒንሢ ኪሪሰቶሴ ጉሙርቂያና ዶዲዋጉዲ ማሃ ዓሰይዳፓ ዒንሢና ካፑዋቱ፤ ዒንሢ ዋይዚ ዔኬ ዔራቶ" ዔያታ ዒያያ ማዔሢር ዔያቶይዳፓ ዲማዲዋቱ።

18 ዬያጉዴ ዓሳ ፔኤኮ ፑርቶ ማሊያ ኩንሣያኬ፤ ኑ ጎዳሢ ኪሪሰቶሴም ማዲያቱዋሴ፤ ዔያታ ኮሺ ጌሰታያ ማሊ፣ ጌሸሢ ሐይሴና ዒና" ዲሎ" ማዔ፣ ኮዡ ዓሰ ጌሻኔ።

19 ዒንሢ ኮዡ ሐይሶ ዋይዚ ዔኬ ዓይሢንታያ ማዔሢ ዓሳ ቢያ ዔራሢር ታና ኮሺ" ዋዛሳኔ። ጋዓንቱ ኮሺ ባኣዚ"ም ጨንጫ፤ ፑርታ ባኣዚ"ም ጋዓንቱ ዔኤቢ ዔራዋ ዓሲ ዒንሢ ማዓንዳጉዲ ታ ኮዔኔ።

20 ዒንሢ ዬያይዴቴ ኮሹሞ ዒንጋ ጾኣዛሢ ፃላሄ ዒንሢኮ ቶኮ ዴማ ዓጊ ሄርቂ ዳኣፃንዳኔ።

ጎዳ ዬሱሰ ኪሪሰቶሴኮ ኮሹሞ ዒንጊፃ ዒንሢና ማጾንጎ።

21 ታኣና ዋላ" ማዲ ዲሞቱዋሴንታ ኑ ዜርያ፣ ዓይሁዴ ማዔ፣ ሉቁሶንታ ዒያሶኔንታ ዬያጉዲ ሃሣ ሶስጳዒርሴያ «ኮሺዳ?» ዒንሢ ጋዓኔ።

22 ሐያ ኪኢቶ" ፃኣፓሢ፣ ታኣኒ ፃፃሪሶይ ጎዳ ሱንጾና ዒንሢ «ኮሺዳ?» ጋዓኔ።

23 ታና ሃሣ ሾኦቹንሣሢና ሃይካ ዓኣ ኪሪሰቶሴ ጉሙርቃ ዓሰዋ ፔ ማኦርይዳ ቡኪ ሺኢቃንዳጉዲ ማሃ፣ ጋይሶንታ ሃና" ካታሜሎኮ ሚኢሾ ዓርቃያ ማዔ፣ ዔራሰጾሴንታ ኑ ዒሻሢ ቁዋርያሴንታ ዒንሢ «ኮሺዳ?» ጋዓኔ።

24 ጎዳ ዬሱሰ ኪሪሰቶሴኮ ኮሹሞ ዒንጊፃ ዒንሢ ቢያሢም ማጾንጎ፤ ዓኣሜን።

16:21 ዳኪ. ማዲ" 16:1። 16:23 ዳኪ. ማዲ" 19:29፤ 1ቆር. 1:14፤ 2ጊዋ. 4:20።

ጳውሎስኮ ጋላቶ" ሺኢጲያ

25 ዓካሪ የኦሲም ጋላታ ሄሎንጎ! ሚርጌ ለዔ ዓኣሺንቲ ዓኣያ ሃሢ ታኣኒ ዩሱስ ኪሪስቶስ ዛሎ" ኬኤዛ፥ ኮዦ ሓይሶና ፔጋጳ ጎኑሞና ደዲ ዒንሢ ዔቃንዳጉዲ የኦሲ ዒንሢ ማሃኒ ዳንዳዒ።

26 ሓሢ ጋዓንቱ ዩይ ጎኑማ የኦሲ ማሊያ ኬኤዛ ዓሶ ማፃኣፖ ዛሎ"ና ፔጋጳ ጴጴኔ፤ ቢያሢ ጉሙርቁ ዓይሢንታንዳጉዲ ናንጊና ናንጋ የኦዛሢ ዓይሢም ዴሬ ቢያ ዔራንዳጉዲ ዩይ ማዲንቱኔ፤

27 ዒዚ ሌሊ ዔራ ማዔ፥ ፔቴ" የኦዛሢም ዩሱስ ኪሪስቶስ ዛሎ"ና ናንጊና ቦንቾ ማፖንጎ! ዓኣሜን።

Maale New Testament
The New Testament in the Maale language of Ethiopia
copyright © 2007 Bible Society of Ethiopia

Language: (Male)

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1